



# Wantok



Gutpela Pik Teis-Bun Bilong Yumi!

Namba 1909 Wan Wik Mas 24 - 30, 2011

Niuspepa Bilong Yumi Ol PNG Stret!

K1 tasol

# Baim kot o pinis?

*"Chier" bai save tude...*

Paul Zuvani i raitim

**PAPUA Niugini bai save long 4:30 dispela avinun sapos Sif na Praim Minista Se Michael Somare bai pinis wok olsem lidaman o nogat.**

Sapos i kamap dispela bai kamapim histori.

I nogat wanpela lidaman long PNG i pinis long wok bilong em olsem Praim Minista yet.

Long kot long Tunde dispela wik Pablik Prosekyuta, Pondros Kaluwin i mekim sabmisen long Traibunel i mas pinisim olgeta Se Michael olsem lidaman, Memba bilong Palamen.

Dispela long wanem Se Michael i brukim Seksen 142 (6) bilong Mama Loa long Sab Seksen 28 bilong Ogenik Loa we i tok long Duti na Responibiliti bilong lidaman.

Mista Kaluwin i tok Sab Seksen 28 i tok mekimsave bilong

lidaman i brukim dispela loa em long lidaman i mas pinis olgeta, na olsem Traibunel i mas bihainim dispela tok.

Se Michael i brukim dispela loa taim em i no givim ripot bilong pablik mani em i yusim namel long 1994 na 2000.

Em i tok Se Michael i holim namba wan wok long kantri na ol tingting na pasin bilong em i mas oltaim stret.

Taim manmeri i mekim olsem ol i mas kisim bikpela mekimsave.

Long ol 25 sut tok Traibunel i rausim 12-pela na painim Se Michael i asua long 13-pela tok.

Traibunel i brukim ol asua long tripela hap.

Wanpela long givim ripot bilong mani bihain long taim, narapela i no pulumapim olgeta spes na i givim hap ripot na laspela long i no givim wanpela ripot.

Long bekim loya bilong Se Michael, Ian Molly, i tok Se Michael i no ken kisim bikpela mekimsave.


Dispela long wanem tupela hap, givim ripot bihain long taim na givim hap ripot i nogat asua.

Tasol em i ken kisim liklik mekimsave long namba tri hap we i tok long Se Michael i no givim ripot.

Na olsem em i ken baim tasol kot long hamas mani i no stap.

Pablik bai save long disisen bilong Traibunel long dispela avinun bihainim askim bilong tupela loya.

**Lukim moa stori insait.**



SE MICHAEL: Laik stap isi. Foto: NICKY BERNARD

FRI bihain long 2pela SMS

Salim tupela sms. kisim 18 Fri sms



Kisim 20 teks long prais lo tupela teks tasol!

Sapos yu salim tupela teks namel long 7am monin na 9:59pm nait bai yu kisim 18 teks fri behain long em.

Digicel

Bikpela, Storpela moa Network bilong PNG.

Digicel Terns na Kondisen bai stap.

INSAIT:



Paul pasin poroman namel long PM, Atoni Jeneral na Sif Jastis -Pes 2

The unholy alliance between the PM, Attorney General and Chief Justice - Pes 5



## OCEAN BLUE TUNA

*Gutpela abus tru na i no dia tumas!*

OX & PALM



# Paul pasin poroman namel long PM, Atoni Jeneral na Sif Jastis

**H**alo gen long ol rida bilong mipela long dispela kona. Sori tru, mi bin bungim bikpela sik liklik, na dokta i tok mi noken kompelen tumas, olsem na mi kisim malolo.

Tasol nau mipela i kam bek pinis na bai yumi stori liklik gen long ol hevi i bungim kantri na pipel bilong yumi.

Long sampela wik nau, bikpela stori i wok long raun long publik em makim bilong ol ausait jas long harim lidasip koud sas agensim Praim Minista. I gat bikpela belkrai olsem i no stret long makim ol ausait man long sindaun long dispela traibunel long harim sas agensim Chief.

Mipela no bihainim dispela tingting. Olsem loya bilong Chief, Kerenga Kua i tokaut stret, em i bihainim loa olsem Sif Jastis i makim ol ausait jas long sindaun long dispela traibunel.

Tasol, taim mipela i ridim ol toktok agensim makim bilong ol ausait jas, mipela i lukim olsem ol belkros i no askim long makim bilong ol jas. Nogot. Ol pipel i wok askim long wanem rot makim i kamap, na ol i tokaut long en. Ol lain husat i wok long tokaut long tingting bilong ol long dispela samting i wok sutim tok olsem nogot i gat paul pasin ikamap namel long praim minister, atoni jeneral, na Sif Jastis long makim ol jas taim i nogot toksave i go long Publik Prosekyuta.

Long luksave bilong mipela, pastaim, ol loya bilong PM (wantaim stia i kam long PM), i mas raitim pas i go long Sif Jastis long askim em long makim ol ausait jas long lidasip traibunel. Dispela askim i mas kisim sapot bilong ol loya wantaim ol as ol i ting dispela i mas kamap long givim fea luksave long klaiant bilong ol. Ol i ken tok tu long ol as watpo dispela traibunel i noken kisim tok



orait. Ol kopi bilong dispela pas i askim i mas go long Ombudsman Komisen na Publik Prosekyuta long kisim tingting bilong ol.

Bihain, taim ol i kisim tingting bilong Publik Prosekyuta, Sif Jastis i mekim disisen bilong em. Na mipela i bilip olsem rot i stap pinis i ken lukim Sif Jastis i kisim tingting bilong ol jas bilong en, pastaim long em i mekim apoinmen o makim.

Tasol dispela taim, i gat planti kain samting i kamap we pipel i ken lukim olsem rot bilong makim ol ausait jas em PM, Atoni Jeneral, na Sif Jastis yet i bin mekim kamap.

Namba wan samting, watpo na Sir Arnold Amet, i kirap tasol wantaim nogot toksave, na lusim opis bilong em olsem Gavana bilong Madang long kisim wok Atoni Jeneral, taim i no bin gat vekensi long dispela opis.

I bin gat tingting i go pas pinis we i bin lukim olsem traibunel bai kamap yet, na Sir Amet i kam na kamap man i givim stia long makim bilong traibunel?

Na i tru olsem Atoni Jeneral i tanim han bilong Sif Jastis long makim ol ausait jas long dispela traibunel? Sapos em i bin mekim olsem, em i paul pasin tru long Atoni Jeneral long suvim het long judisal wok bilong Sif Jastis aninit long Konstitusen na Ogenik Loa long ol Wok na Risponsibiliti bilong Lidasip.

Na long Sif Jastis, askim we i stap nau i olsem: Sif Jastis i pundaun em yet? Hevi nau, em yumi

no save wanem samting stret i kamap. Tasol i luk olsem i mas i gat yet rot we i bin gat toktok i ron namel long praim minister na atoni jeneral long dispela wok makim. Na long dispela ol toktok i ron i go kam, Atoni Jeneral yet i bin tanim tingting bilong Sif Jastis long kisim ol ausait jas long sindaun long dispela traibunel.

Na sapos i no olsem, orait, long wanem hap tru makim bilong ol ausait jas i bin pulim askim? Ol PNG jas yet i tok olsem ol i no bin gat sans long givim tingting bilong ol long dispela.

Tru tumas, olsem tru em i nogot hevi i stap, PM i go na makim bek Pruaitch long kabinet, bihain long Suprim Kot i tokim em long lusim opis taim lidasip traibunel i bin kamap. Na wantaim bikpela belkros i kamap long dispela makim, nau yumi wok toktok i go kam na kros nau long liklik samting olsem, sapos dispela makim i wankain olsem namba wan makim bilong em.

Tasol nogot wanpela kain mejik bai senisim luksave olsem Pruaitch i stap saspensen yet, olsem Suprim Kot i bin tokaut. Pruaitch yet i bin lusim opis bilong em na wokabout long rot olsem yumi olgeta. Olsem na watpo bai Peter O'Neill i kisim Ministri bilong Fainens na Tresari sapos Pruaitch i bin minista yet, olsem ol loya bai tok. I gat samting i no stret yet.

Sampela toktok i olsem ol i kisim Pruaitch i kam bek long kisim bek ministri bilong fainens na tresari. As tingting bilong dispela em bikos Nesenel Alaiens i no laik go insait long wok ileksen neks yia taim Peter O'Neill i wok long bosim sek buk. Na i gat tok win tu olsem Pruaitch i kam bek long mekim sampela wok sekim long we K170 milian i kamaut long Dipatmen bilong Plening na i go namel long Fainens na Petroleum. Orait...i go long han

bilang yu tupela nau, O'Neill na Duma!

Dispela em mani bilong papa-graun ya. Mipela i belwari liklik olsem i no long taim bai Vulupindi Haus i paia pastaim long nesanel ileksen i kamap bai olgeta fail i paia na kamap sit bilong paia. Em nau, bai nogot rot long bihainim long painim bikpela hap mani ol i stilim pinis long nesanel tresari.

Mipela i tok olsem tasol. Mipela i no harim tokwin olsem olgeta rekot i stap long Vulupindi Haus bail us.

Tru tumas, i nogot rekot i stap long olgeta mani i save lus. Mipela i toktok long paia tasol bikos mipela i tingim long 1980s Fainens Dipatmen opis i bin paia na olgeta rekot bilong em i lus taim ol stilman i laitim paia long traim kukim rausim ol rekot bilong ol mani ol i stilim.

I gat stori olsem pastaim long O'Neill i kisim wok Fainens Minista, i bin gat sampela ol 'fainensal obligesen' o luksave em i bin tok em bai mekim long sait bilong opim paus mani long askim bilong sampela ol wan wan memba bilong Nesenel Alaiens Pati, na moa yet, wanpela liklik grup lain memba bilong palamen. Tasol stori i olsem, taim O'Neill i bin kisim dispela wok nau, em i lus tingting olgeta long ol wok em i tok em bai wokim, na yusim nupela posisen bilong em olsem wasman bilong paus bilong kantri long strongim sindaun bilong em yet.

O'Neill i painim Alice long Wonderland long danis wantaim, na ol mangi Nesenel Alaiens iles long lukluk long ol. Aninit long tok wanbel wantaim O'Neill, ol Nesenel Alaiens mangi i mas danis wantaim O'Neill. I no Alice!

Nau i luk olsem O'Neill i no

moa wanpela stail mangi olsem taim em i bin kisim dispela pot folio. Nau em i kamap olsem wanpela waira man na em i mas lusim dispela fainens opis we i mas go sindaun long han bilong Nesenel Alaiens tasol.

Em i orait, Peter, gutpela wokabout bilong yu. Na noken tokim Patrick na ol poro bilong em long wanem hap dispela K170 milian i stap. Nogot ol i mekim wankain samting long en, olsem yu bin laik mekim. Laka?

Yumi toktok long mani, na mipela i ting olsem i moabeta olgeta kain mani i sindaun insait long wanem kain tras akaun na ol arapela publik mani i sindaun insait long ol komesal benk i mas go bek insait long konsolidetet reveniu pastaim long ileksen i kamap.

Dispela bai pasim rot bilong ol minista na bikpela publik sevan long stilim mani long sanap long ileksen.

Mipela i wok long sekim yet, tasol i gat tokwin olsem manimak i wok sindaun insait long ol kain kain tras akaun inapim mak bilong K6 bilian. Dispela mani bai lus nating sapos yumi no pasim gut.

Na i gat toktok tu olsem Nesenel Alaiens i gat wanpela astingting tasol long nesanel ileksen.

Em bilong WIN, WIN na WIN. Watpo i olsem?

Nesenel Alaiens Pati i no laik sanap long baksait long taim bikpela LNG Projek wok konstraksen, komisina na prodaksen bai go het long kamapim winmani insait long moa long 30 yia.

Mipela i tok: Maski long dispela narapela 30 yia! Yumi redi tu long narapela 5-pela yia aninit long stia bilong Nesenel Alaiens Pati, o nogot?

# Loya: Pinisim Somare inap kamapim narapela hevi

**Paul Zuvani i raitim**

PINISIM Se Michael olsem Praim Minista na memba bilong palamen bai kamapim ol narapela hevi.

Loya bilong Se Michael, Ian Molloy, i tok long Tunde dispela wik bihainim askim bilong Pablik Prosekyuta, Pondros Kaluwin, long Lidasip Traibunel i mas pinisim Se Michael Somare long opis na wok long em olsem lidaman.

Mista Molloy i tok sapos Se Michael i pinis ol hevi olsem bai kamap:

- LUKIM tasol ekting praim minista i ronim kantri;
- PALAMEN bai bung gen long makim nupela praim minista. Dispela bai givim hevi long 13 pati i mekim kolisen gavman; na
- KAMAPIM bai ileksen long provinsel

sia bilong Is Sepik provins.

Askim bilong pinisim Somare long wok bilong em i kamap long taim Pablik Prosekyuta, Pondros Kaluwin i tok Se Michael i brukim Seksen 142 (6) bilong Mama Loa long Sab Seksen 28 bilong Ogenik Loa we i tok long Duti na Responsibiliti bilong lidaman.

Mista Kaluwin i tok Se Michael i brukim loa taim em i no givim ripot bilong pablik mani em yusim namel long 1994 i go long 2000.

Long dispela bihainim tok i stap long lo Se Michael i mas pinis wok olsem praim minista na Memba bilong Palamen.

Long ol 25 sut toktok Traibunel i rausim 12-pela na painim Se Michael i asua 13-pela tok.

Traibunel i brukim ol tok long dispela asua bilong Se Michael long tripela hap.

Wanpela long em i givim ripot bilong mani bihain tru long taim, narapela i givim hap ripot na i no pulumapim olgeta spes na narapela i no givim ripot.

Long bekim loya bilong Se Michael, Ian Molloy, i tok Se Michael i no ken kisim bikpela mekimsave.

**Dispela long wanem:**

- I YUSIM mani long helpim ol arapela manmeri maski sapos ripot i no stap;
- I NO traim long hait ripot bilong mani; na
- I WOK bung gut wantaim traibunel.

Moa yet em i tok tupela hap, givim ripot bihain long taim na givim hap ripot i nogat asua na olsem i nogat tok long dispela.

Tasol Se Michael i ken kisim liklik mekimsave long namba tri hap we i tok long em i no givim ripot.

## Philemon no amamas long tok bilong Abal

DEPUTI Lida na Oposisen na Memba bilong Lae Bart Philemon i tok long aste olsem em i no amamas long Abal i tok gut long Se Michael.

"Mi no inap long bilip long wanpela gutpela lidaman olsem Deputi Praim Minista Sam Abal i daunim gut nem bilong em na kamdaun tru long givim gutpela nem long Praim Minista Se Michael Somare taim Lidasip Traibunel i painim Gren Sif i asua long 13-pela long 25 sut tok," Mista Philemon i tok.

Em i bekim ol ripot i kamap long wanpela niuspela i kamap long dispela wik.

Em i tok Abal i mas gat isotpela tingting we em i no inap tingim ol asua na sut i go long em.

"Mi laikim toksave gen long em (Abal) olsem dispela (Se Michael) i man we i traim long pasim na ronawe long ol askim bipo Sif Ombudsmen Ila Geno i laik mekim long

mekim wok painim long ol sut i go long em.

"Dispela man nau em Abal i mas sapotim, mi paul!" Philemon i tok.

Em i tok Se Michael i gat planti ol sut tok na sampela long dispela ol tok em:

- PRAIM Minista (PM) yet i brukim ol lo. Difens Bod bilong Inkwairi i wanpela bilong em;

- PM i pasim wok bilong Ombudsmen Komisen bihain long Komisen i askim em long em i mas givim ripot bilong mani em i yusim long wanwan ol yia;

- EM i no kamapim wok painim long hevi bilong mani i pas wantaim sampela ol opisa na Memba bilong Taiwan Gavman;

- I NO kamapim wok painim long hevi i pas long mani long wok bilong timba long Singapo;

- I NO bihainim ol askim bilong Pablik

Akauns Komiti bihainim long ol wok painim bilong komiti;

- I NO mekim wok painim i go insait long ol akaun long Helt, Edukesen na Agrikalsa;

- I LARIM pasin bilong suvim man long bihainim laik bilong narapela i kamap long taim Gavman i sainim Benefit Searing Agrimen (BSA) wantaim ol divelopa na papagraun long wok bilong ges;

- I NO soim rispek bilong em long Palamen taim em i no save kamap long ol kibung; na

- I GIAMAN long tok em i no save olsem em i gat ol sea holda long Pasifik Rejistri bilong ol Sip komiti na long ol wok bod i mekim.

Em i askim Abal sapos Abal husat i Deputi Praim Minista i laik sapotim man husat em planti sut tok i go long em.



AMAMAS SEKAN: Gavana Jenerel Michael Ogio i sekanim nupela meri Nesanel na Suprim Kot Jas, Jastis Jacinta Murray na long sait em narapela nupela meri jas, Jastis Royale Thompson. Dispela em bihain long seremoni bilong tok promis long nupela wok bilong ol. *Poto: Nicky Bernard*

# Askim sapot bilong famili na preia long nupela jas

**Veronica Hatutasi i raitim**

**WOK JAS (judge) i no isipela wok na sapot bilong famili na preia i bikpela samting, wanpela Suprim na Nesanel Kot jas, Jastis John Kawi, i tok.**

Jastis Kawi i wokim dispela toktok long tok tenkyu lotu bung we ol famili, pren na wantok bilong wanpela long tripela nupela jas ol i bin makim long las wik Fraide, Jacinta Murray, i bin holim long Mary Kwin bilong Pasifik Katolik Sios long Waigani long las wik Sarere.

Samting olsem 200 famili memba, pren na ol wantok hauslain bilong Sepik, Bogenvil na Morobei bin kamap long misa lotu long tok tenkyu na givim luksave long Papa God long blesing em i givim long pikinini bilong ol Jacinta i kisim bikpela wok olsem jas long Nesanel na Suprim Kot bilong PNG.

Long las wik Fraide, PNG i bin lukim tripela nupela jas i mekim tok promis bilong ol long tok yesa long kisim nupela wok long Gavman Haus long Konedobu long ai bilong Gavana Jenerel bilong PNG, Michael Ogio.

Judisel na Ligel Sevis Komisin i bin bung na makim olsem jas, Stephen Kassman bilong Sentrel provins husat i gat 45 krismas na i wok olsem loya long 22 yia, Jacinta Murray bilong Is Sepik i gat 37 krismas i wok olsem loya long 12-pela yia na Royale Thompson i gat 56 krismas bilong Australia tasol mama i karim em long Morobe provins, PNG na i wok olsem loya long PNG long 31 krismas.

Nupela taitel we yumi kolim tripela nupela jas em long "Jastis" na nem bilong ol.

Ol i makim Jastis Kassman na Jastis Murray i kamap jas long Nesanel na Suprim Kot long 10-pela yia taim apoinmen o makim bi-

long Jas Thompson bai wok olsem Nesanel Kot jas long wanpela yia na bihain taim i ova bilong tripela, ol i ken skruim i go long sampela yia moa.

"Jastis Kassman, Jastis Murray na Jastis Thompson i gat bikpela ekspiriens olsem ol loya na tu, ol i gat bikpela luksave long komyuniti. Na wok na nem bilong ol i gutpela long ligel komyuniti na olsem, ol bin kwalifai long bikpela wok ol i makim ol long en. Ol i kisim bikpela na nupela save na ekspiriens i kam long judiseri na ol bai mekim bikpela kontribusen long givim jastis na judisel developmen bilong lo long PNG," Atoni Jenerel, Se Arnold Amet, i tok.

Em bin autim tok amamas long ol na ol famili bilong ol long nupela wok ol i kisim na tok welkam long ol long wok long bens.

Jastis Kawi i bin tok kantri i gat 25 Nesanel Kot na Suprim Kot jas na i kam inap nau, long Nesanel Kot i gat 23,000 kriminel keis i wetim kot i stap. Mak long wan wan jas long lukautim em 1,500 keis we i bikpela namba tumas.

"Dispela i bikpela wok na em i no isi long glasim, skelim na wokim jasmen. Bai yu save slip leit long nait na kirap long bikmoning long raitim jasmen bilong yu.

"Olsem na i moabeta long famili givim gutpela sapot na pre Korona. Yu (Jastis) Murray i namba tu meri jas bihain long Jastis Cathy Davani na bai yu mekim dispela wok long planti yia i kam. Mi amamas long yu i kisim dispela wok na mi gat bikpela bilip olsem bai yu mekim gutpela wok," Jastis Kawi husat i wanpela gutpela famili pren bikos long bikpela barata na loya bilong jastis Murray em loya Moses Murray, i bin tok long tok tenkyu misa lotu bung.

**Maggi**

**Hariap Long Kukim, Gutpela Long Kaikai**

# Ol meri mas i gat luksave

Bustin Anzu i raitim

**PASIFIK Ailan Forum Sekretariat (PIFS) i amamas long Samoa na Solomon Ailan gavman long luksave long wok bilong meri na putim i go insait long tisa trening long nesanel level.**

Na dispela em i gutpela long ol meri long Pasifik na luksave olsem ol meri i mas kisim wok bilong ol man long developim na kamapim gutpela kantri bilong ol.

Long taim bilong makim 100 yia bilong ol meri long wol long intanesenel meri de, Pasifik Ailan Forum General Sekreteri, Tuiloma Neroni Slade i tok long skulim meri long Pasifik, ol sosaiti na ol lain husat i kisim wok long helpim (employer) ol meri mas kamapim sampela gutpela keria pat (career path) bilong ol.

“Long givim ol save long meri bilong Pasifik i no long skul o edukesen na trenim ol long sains na teknoloji, tasol mas kisim sapot long ol Sosaiti na ol lain husat i save givim wok, long kamapim gutpela keria pat bilong ol,” em i tok.

Slade i mekim dispela toktok long wanpela websait bilong ol.

Intanesenel Meri (women) De em wanpela de long mun Mas long olgeta yia, we ol meri long wol i save makim olsem de bilong ol long lukluk long wanem gutpela samting ol i lainim o kisim.

Anit long het tok bilong dispela 100 yia bilong ol meri,” ikwel akses, trening na sains na teknoloji, dispela hap tok bai go insait long Pasifik Edukesen Developmen Fremwok (Pacific Education Development Framework) (PEDF).

“Dispela fremwok we i bin kamap long ol Forum Edukesen Ministas bilong Forum (Pasifik) i gat planti ol samting long sait bilong ol meri we ol kantri, sekretariat na ol developmen patna (development partners) mas wok long kamapim gutpela jenda isiu long olgeta eria bilong edukesen,” Slade i tok.

Slade i tok Samoa gavman i gat jenda aweanes bilong lukluk long trening bilong ol meri taim Solomon Ailans gavman, i bin



TINGIM BIKPELA DE: Ol polisimeri bilong Pasifik husat i save wok wantaim RAMSI long Solomon Ailans i tingim wok bilong ol meri long Intanesenel Meri De long 2007 long Honiara.

Poto: Bustin Anzu

komisanim wanpela rises o wok painim aut long wanem samting i save pasim ol meri long kisim ples o wok bilong ol man insait long kantri bilong ol.

Insait long dispela, ol bai bungim edukesen, jenda isu na ol narapela hevi we i save mekim ol meri kamap namba tu long ol man, insait long ol teksbuks na karikulum,

we ol bai kamapim. Slade i tok amamas long ol memba kantri long dispela luksave long ol meri na tu, banisim ol rait bilong ol meri tu.

# Dijisel tokaut long namba wan wina bilong ‘Bampa Stika’

DIJISEL i tokaut long namba wan laki win bilong em long ‘Lukim Yu’ Bampa Stika Kempen long dispela wik.

Dispela promosen nau i bikpela tru long Mosbi.

Kamap bilong dispela promosen i lukim planti ol ka i soim repela Dijisel bampa stika.

Sampela ka i go moa long karim inap olsem 16 stika olgeta.

Wanpela bilong ol laki man

em Samuel Lauku, husat i bilong Milen Be na i papa bilong foapela pikinini taim em i kisim K2,500 prais win bihain long grinpela Rav4 ka bilong em em Dijisel i lukim.

Em i wok long harim NauFM long 10 kilok moning traim rejistresen namba bilong ka bilong ol em Dijisel i kolim.

Namba bilong ka bilong em redio joki i kolim na ol i givim em tripela aua long em

i mas go na kisim prais mani bilong em long Dijisel Hetkwata.

Lauku i kirap nogut long harim ol i kolim nem bilong em.

Tasol maski long dispela em i amamas long ol i kolim nem bilong em.

“Mi no inap long bilipim na olsem mi ringim ol poroman bilong mi na ol i tok stret olsem rejistresen namba bi-

long ka bilong em em ol i kolim.

“Tasol maski long dispela mi no bilip yet na olsem mi kisim taim bipo long mi go long opis bilong Dijisel na kisim prais bilong mi.

“Mi tok tenk yu long Dijisel long oltaim i givim mipela ol kastoma samting bek long taim em i mekim ol promosen.

Bampa stika promosen i

stat long las wik na bai pinis long Epril 15.

Long wan wan de Dijisel i save kisim wanpela laki ka we i soim Dijisel bampa stika long winim wanpela de prais mani long K500.

Sapos wina i no kisim prais bilong em bihain long Nau Fm i tokaut na bihain long tripela aua orait Dijisel i kisim bek mani, redim na putim gen narapela K500 long narapela de.

## CPL Grup sea groa long POMSOX



PATEL: Amamas long groa bilong kampani.

SITI FAMASI Ltd (CPL) Grup Siaman Mahesh Patel i laik toksave olsem kibung bilong Bod bilong kampani long las wik i kamap wantaim tingting long skelim ol sea.

Long dispela kibung ol i tok olsem long wanpela man i ken baim tasol inap long tripela sea.

Ol dairekta i kamap wantaim dispela tingting long wanem ol i tingting wantaim dispela mak ol gras rut kastoma i ken gat sans long baim.

Ol dairekta oltaim i laik mekim kampani i go bikpela na em i gutpela ol i kamap wantaim dispela tingting.

Sea prais bilong CPL em ol bai salim long Pot Mosbi Stok Eksenis (POMSOX) long Mas 28 i go long 8, Epril, 2011.

Em bai go bek long maket bilong em long 11, Epril, 2011

Ol sea holda husat i rejista long 5 kilok avinun long Epril 1 bai stap insait long rikonstraksen.

Bihainim bruk, ‘Issued Capital of CPL’ bai go bikpela long 41,119,844 long odinari sea ol i baim pinis na mak i stap long 123,359,532.

Long save moa ring i go long Stuart Simon long PNG Rejistris Limited long telepon namba 321 6377 o long feks namba 321 6379

CPL i bikpela riteil stua netwok long kantri.

Kampani nau i kamap olsem foapela strongpela riteil bren olsem City Pharmacy, Stop n Shop, Hardware Haus na Boncare.

# The unholy alliance between the PM, the Attorney General and the Chief Justice

**GREETINGS to all our readers of this column! Your columnist was diagnosed with some ailment that required confinement and medical observation for the time this column was temporarily suspended. We are glad to be back on the scene and continue with our dialogue on current issues that affect our people.**



In the last couple of weeks the topic that has captivated the attention of the PNG public has been the appointment of foreign judges to hear the leadership code charges against the Prime Minister. There was an outcry that it was improper to appoint outsiders to man the tribunal hearing the charges against the Chief.

We in this column do not share the view that it was improper to appoint foreign judges to man the leadership tribunal. As the Chief's lawyer, Kerenga Kua correctly pointed out, it was within the law for the Chief Justice to appoint foreign judges to man the tribunal.

However, as we read the comments against the appointment of foreign judges, we gather that the comments were not against the appointment of foreign judges. What the people appear to be questioning is the manner in which the appointment was made and announced. People who have openly commented on the matter seem to be alleging that there was a conspiracy between the Prime Minister, the Attorney General, and the Chief Justice to make the appointment without consultation with the Public Prosecutor.

It is our view that in normal circumstances, the PM's Lawyers (upon instructions) ought to have written to the Chief Justice requesting foreign judges to be appointed to man the leadership tribunal. This request ought to

have been supported by the lawyers providing ample reasons why such an event was necessary and in the interest of their client and stating further reasons why the local tribunal should not be appointed. Copies of this request should have been supplied to the Ombudsman Commission and the Public Prosecutor for their input.

Then upon receipt of any comments by the Public Prosecutor, the Chief Justice ought to have made his decision. And we believe that in the normal course of events, the Chief Justice would also seek the views of his judges before his made the appointment.

However, in this case, there are far too many coincidences which appear to suggest that the whole process of appointment of the tribunal was orchestrated by the PM, the Attorney General and the Chief Justice.

In the first place, why did Sir Amet, without notice to his constituents, abandon his Office as the Governor of Madang to take on the role of the Attorney General when there was no vacancy in that Office. Was it by design so that Sir Amet could play a major role in the appointment of the tribunal? And did the Attorney General twist the Chief Justice's arms to get the tribunal of foreign judges? If he did, then that was most improper for the Attorney General to have interfered with the judicial function of the Chief Justice under the Constitution and the Organic Law on Duties and responsibilities of Leadership.

And as for the Chief Justice, the question everyone is now asking is: "Has the Chief Justice compromised himself under the circumstances?"

The problem is, we do not know the circumstances.

However, it seems more probable than not, that there was communication between the Prime Minister and the Attorney General on the matter and stemming from the communication, the Attorney General did influence the Chief Justice to get foreign judges to man the tribunal.

If this is not correct, then where did the impetus for appointment of foreign judges come in question. The local judges say they were not consulted on the matter.

And then, as if he hasn't got enough problems, the PM goes ahead and blindly re-appoints Pruaitch to the Cabinet after the Supreme Court declared that he was suspended from Office upon appointment of the leadership tribunal. And with the uproar stemming from the re-appointment, we are asked to enter a debate on semantics such as if the re-appointment amounts to the original appointment.

No amount of sophistry will alter the fact that Pruaitch was under suspension from office after the Supreme Court declared that he was deemed suspended upon appointment of the leadership tribunal. And in fact Pruaitch did physically abandon his office and hit the streets like the rest of us. Why else did Peter O'Neill pick up the Ministry of Finance and Treasury if Pruaitch was a minister at all material times" as the lawyers would put it. It all does not add up.

It is said in some circles that Pruaitch was brought back in order to regain his Ministry of Finance and Treasury. The rationale for this is that the National Alliance cannot afford to go into

national elections next year with Peter O'Neill nursing the national cheque book. And it is also said Pruaitch is brought back to conduct some due diligence checks on the whereabouts of a massive K170 million that was taken out of the Department of Planning and spread between Finance and Petroleum. Now over to you O'Neill and Duna.

Mind you, this is landowner money we are talking about. What we fear is that sooner or later the Vulupindi House will catch fire before the national elections so that all files and burnt to ashes to leave no traces of the vast sums of money that has been siphoned from the national treasury.

Having said that let us add that we have not heard any suggestion that all the financial records held at the Vulupindi House are in danger of disappearing. In fact there are no records kept of all the money that goes missing. The fire statement is a hunch based on the fact that in the 1980s the Finance Department lost all its records at Waigani after a fire in an effort to destroy records of stolen moneys.

It is said that before O'Neill was appointed Finance Minister, there were certain "financial obligations" or expectations that he had undertaken to fulfill as regards accessing funds by certain individuals in the National Alliance Party and in particular a small group of members of parliament. However, the story goes that once O'Neill got the appointment, he forgot all about his undertakings given and went on a frolic of his own building his own political network using his new position as a "Caretaker" or "undertaker" of public moneys.

Instead O'Neill found Alice in Wonderland to tango with, and

the National Alliance boys got tired of watching as mere spectators. Under the arrangement, it was the National Alliance, and not Alice, who was supposed to do the tango with O'Neill.

And it now seems that O'Neill is no longer the wonder boy he was before he got the finance portfolio. O'Neill is now a total hooligan in the eyes of those whose proxy he is. He is now considered a person non grata so he must vacate the Finance Office that belongs to National Alliance alone. Anyway, Peter, bon voyage. And do not tell Pruaitch and his mates where the K170 million is. They will do exactly the same thing that you were trying to do. Whatever it was!

Talking about money, we suggest that all funds currently held in trust accounts and other public moneys parked in commercial banks should be transferred to consolidated revenue before the coming national elections. This would prevent stealing of public moneys by ministers and top public servants alike during the conduct of the elections. We are unable to verify this but the talk on the streets is that there is some K6 billion sitting in various trust accounts and come the national elections, it will burn up in smoke during the coming national elections.

And word is that the National Alliance has only one agenda item for the national elections. WIN, WIN AND WIN at all costs. The National Alliance Party cannot afford to stay out of public offices during the whole of the LNG Project construction, commissioning and production and that is a period in excess of 30 years. Never mind the 30 years, are we ready for the next 5 years under the National Alliance Party?

## Sefti em Bikpela Samting Wantaim Dokta John Mua, Menesing Dairekta bilong Motor Vehicle Insurance Limited

### Aweanes mas go wantaim eksin

Insait long dispela taim we ol PMV draiva bilong yumi i wok long redim ol yet long go insait long Motor Vehicles Insurance Limited NRL Gren Fainol kompetisen, mipela olgeta i save olsem seif pasin long draiv em bikpela samting. Sapos ol dispela draiva i laik go insait long bikpela dro bilong Gren Fainol win – em long flai long balus i go long Australia na stap insait long NRL Gren Fainol long mun Oktoba – ol i mas soim gutpela pasin long 'Rot Sefti – Em i no wanpela Gem' kempein.

Na sapos ol rekot we MVIL i putim kamaut i no long taim i go pinis i soim stret, dispela bai soim stret olsem planti ol PMV draiva, ol pasindia na ol papa bilong PMV i save long as tingting bilong kempein na wanem ol gutpela pasin long bihainim taim ol i draiv. Ol dispela lain husat em independent risets kampani StollzNow i bin toktok wantaim ol makim MVIL long sait long Rot Sefti kempein, yumi ken ripot olsem 82% ol pasindia i save pinis long dispela kempein. Long ol PMV draiva, 87% i tok olsem ol i

save long kempein na bikpela mak olsem 93% ol papa bilong ol PMV i tokaut olsem ol i save long dispela aweanes.

Olsem na em i gutpela long lukim olsem ol dispela rekot i gutpela. Long lukim kain pablik aweanes kempein long kamap long dispela mak insait long sotpela taim i gutpela tru. Bikpela samting long nau long tingting bilong em em long lukim olsem les pasin mas noken kam insait. Aweanes tasol i no inap, na mipela noken malolo na stap isi na lukim dispela ol gutpela samting i no karim kaikai.

Long tingting bilong MVIL, wok painimaut o risets i givim mipela sampela gutpela tingting long sampela eria na ol provins we i ken kisim helpim taim dispela kempein i go kamap long ples bilong ol. Sapos mipela i lukluk tasol long ol gutpela samting i kamap em bai isi long abrusim sampela ol provins we aweanes i no kamap planti, na dispela mipela i no ken mekim. Dispela em gutpela eksampel long ol narapela.

Taim bilong kwalifikesin bilong nupela kompetisen i stap na intares i stap antap,

em i gutpela taim long tanim dispela aweanes long draiv gut na bihainim gutpela pasin long draiv. Mi bin tok pinis pastaim olsem, bikpela samting insait long Rot Sefti kempein, em toktok bilong yu wan wan man o meri olsem pasindia o olsem wanpela draiva o papa bilong PMV long toktok na yusim maus long bringim gutpela tingting i go long ol narapela lain long kamapim seif pasin o kalsa long draiv.

Sapos yu save long ol loa, tokaut strong taim draiva bilong yu i no mekim gutpela pasin na i no mekim samting stret. Sapos yu wanpela draiva na yu amamas long nupela seif na gutpela pasin yu mekim na narapela wanwok bilong yu i no mekim samting stret, orait stopim kar bilong em na toksave long em long bihainim loa. Noken spit o dring na draiv. Em mas bihainim sefti loa na tingim ol pasindia em i karim.

Dispela mak antap long 80% i soim olsem em i no samting bilong pilai. Em i no gem na em taim long yumi olgeta i bihainim lo bilong sefti.

# Tupela Bogenvil skul kisim ol nupela kompyuta

**LAINIM NA skul bilong ol sumatin long tupela sekonderi skul long Bogenvil bai kamap gutpela moa wantaim 40-pela nupela kompyuta Edukesen Dipatmen i givim long ol.**

Hutjena na Tarlena Sekonderi skul long Buka em dispela tupela skul we wan wan i bin kisim 20-pela kompyuta long helpim ol sumatin na ol tisa long kisim save long yusim, na bai helpim ol i skruim save bilong ol long redim ol long wok long bihainim taim.

Donesen bilong ol kompyuta i go long tupela skul i bihainim promis we pastaim Edukesen Minista, Tony Aimo, i bin mekim long ol. Ol bin baim ol kompyuta long Able Kompyuting kampani long Mosbi na wanpela Infomesen na Komyunikesen Teknologi (ICT) opisa bilong Edukesen Dipatmen em Thomas Podarua, na Karl

Turnbull bilong AusAID i bin go putim na konektim ol kompyuta na tu, givim trening i go long ol tisa long tupela skul.

Tupela opisa i bin givim trening long kompyuta networking na ol narapela samting long yusim kompyuta we ol tisa i mas save long skruim save i go long ol sumatin bilong ol.

Mista Podarua i tok tupela Hutjena na Tarlena Sekonderi em ol namba wan skul long kantri we Edukesen Dipatmen i putim Microsoft Windows 7 na Microsoft Office 2010 kompyuta program long ol.

Ol i gat ol program we ol tisa i ken yusim long lainim ol sumatin na ol edukesenel program olsem Microsoft Encarta na TALIS, wanpela dijital laibreri program (elibrary) we Edukesen Dipatmen yet i bin kamapim bilong ol skul. Ol i gat ol samting long PNG yet we ol sumatin bilong dispela kantri bai lukim long vidio, harim na

lainim long ol.

Mista Turnbull i bin kirap nogut tasol i amamas long gutpela lukaut, helpim na laik long stap long trening i bin kamap long nait taim na kisim save we bai helpim ol gut long lainim na skul wok bilong ol.

Skul prinsipel bilong Tarlena Sekonderi, Lucy Oata, taim em i autim tok amamas long dispela donesen bilong ol nupela kompyuta bin tok ol kompyuta bai helpim stret ol sumatin bikos ol i nogat save long yusim ol kompyuta.

"Ol sumatin i wok long greduet long Tarlena wantaim nogat save long yusim kompyuta. Na ol i save kisim taim ol i go long yunivesiti o kisim wok. Tasol nau, ol i gat ol kompyuta, ol bai kisim save long ol nupela teknoloji long redim ol long bihainim taim bilong ol," Mis Oata i tok.



**KOMPYUTA TRENING:** Ol tisa bilong Hutjena na Tarlena Sekonderi skul i sindaun long kompyuta trening.

**YUMI na HIV WANTAIM**  
Fr Jude Ronayne  
Forde OFM

## Sakrifais

YUMI STAP long taim bilong Len. Wok bilong ol kristen manmeri long taim bilong Len, em bilong daunim yumi yet, tanim bel na bilip long Gutnius. Em taim bilong mekim kain kain ofa long tripela spesel wok long pre, tambu long kaikai na wok mari-mari. Long dispela tripela bikpela wok, yumi save mekim sakrifais. Man i go pas long wok sakrifais em Jisas Kraus, Pikinini bilong God i bin ofaim laip bilong em yet antap long diwai kruse.

Mi lukim wanpela samting i kamap long kantri Japa na dispela i mekim mi ting long sakrifais. Yumi harim olsem wanpela

fektori bilong wokim pawa i kisim bagarap long guria na bikpela si. Sampela haus bilong dispela fektori i kisim bagarap na i pundaun, ol pawa saplai i feil na ol i no inap pamim ol wara bilong mekim kol bel bilong fektori. Olsem na dispela bel bilong fektori i hat tumas na i redi long paia na pairap we bai bagarapim man na graun taim win I karim pipia nabaut long wol. Olsem na ol i gat bikpela wari tru na ol i wok long painim rot bilong stretim dispela wari.

Ol i nidim wokman long go insait long fektori na stretim ol samting i bagarap. Tasol, save I stap olsem wanem man i stap klostu long dispela pipia nogut i ken kisim bikpela sik na bagarap na indai hariap. Ol i laikim man long tromoi wara antap long dispela ol hap i tuhat insait long fektori na tu, long stretim pawa bai ol i ken pamim ol wara gen. Kampani i save

bosim dispela fektori i askim ol man long volandia na go insait long fektori long stretim ol bagarap. Ol i askim ol long mekim sakrifais. Pastaim 180 man i mekim sakrifais. Ol lain Japan i lukim na ol i kraus. Ol i tok: "Ol lain i go wok bilong ofaim laip bilong ol long helpim yumi na wol." Em bikpela sakrifais tru!

Jisas i tok: "Sapos wanpela man i laikim tumas ol pren bilong en na i lusim laip bilong em yet bilong helpim ol, orait dispela pasin bilong laikim ol narapela i win tru long ol arapela pasin." (Jon 15: 13)

Ofaim laip bilong yu yet bilong helpim narapela em namba wan sakrifais bilong man!

Nau mi laik stori long HIV/AIDS bikos planti manmeri i no save skelim dispela sik long sait bilong sakrifais. Pre pasin i bikpela samting na planti manmeri i kisim bikpela amamas

long mekim dispela pasin. I gat taim pren pasin i gutpela na taim pren pasin i nogut tu. I gat taim pren pasin i stret na taim em i no stret. Tasol sapos yu save yu gat dispela sik HIV na yu save tasol, yu go het na prenim narapela, yu wokim bikpela rong tru! Bai yu givim sik nogut long narapela. Mi tok long dispela bikos planti man na meri i gat sik HIV i save givim sik long narapela man i nogat HIV.

Lo bilong kantri i tok yu noken givim sik long narapela na sapos yu givim, bai i gat kot. Lo bilong God i tok yu noken bagarapim narapela bikos bai i gat kot long las de long dispela. Tasol, mi harim planti man i tok olsem; "Mi gat rait long pren nabaut na amamasim mi yet." Kain man i tingim em yet na i no tingim narapela. Dispela "mi yet" kain tingting i kranki olgeta. Olsem wanem long "ol nara-

pela" na "komyuniti", ol tu i gat rait!

Orait, sapos man i HIV pinis na em i save em i gat dispela sik, em mas tingim ol narapela na komyuniti pastaim. Em taim bilong sakrifais nau! Em taim bilong daunim laik na tingim laip bilong ol narapela.

Sakrifais em samting tru long laip bilong man. Mama i save mekim sakrifais bilong lukautim famili. Gutpela wokman i save mekim bilong sevim ol pipel. Man i lusim tingting long amamasim em yet na i sevim narapela pastaim, em man tru! Sakrifais em bikpela samting tru na i mas stap long laip bilong ol lain i HIV pinis, bilong kontrolim HIV.

Jisas i givim laip. Ol lain bilong Japan i ofarim laip. Long kontrolim HIV, yumi tu mas mekim sakrifais!

# Glasim

# “Wanpela Ramu NiCo, Wanpela Komyuniti”



Ripota James Kila (namel) wantaim tupela wokman bilong Ramu NiCo, Samuel Minikua (lephan) na Jeffrey i sanap long nikel graun long Kurumbukari em mineral we bai go ovasis bihain long ol i salim i go daun long Basamuk bihainim paip lain.

### James Kila i raitim

**PASIN bilong wok klostu wantaim ol lokal komyuniti em bikpela samting tru sapos wanpela projek divelopa laik lukim moa gutpela wok i kamap namel long kampani na ol lokal papa graun na komyuniti i stap klostu long projek.**

Dispela em bikpela toktok Komyuniti Afes menesa bilong Ramu NiCo Menesmen Limited (MCC), Martin Paining i bin tokim mi taim mi bungim em long ofis bilong em long Komyuniti Afes we i stap arere tasol long bikpela ofis bilong Ramu NiCo long Madang em sampela i save kolim 'glas-haus'.

Mista Paining i stori gut tru long bilip bilong Ramu NiCo Menesmen (MCC) we i pas strong wantaim dispela het-tok em: "Wanpela Ramu NiCo, Wanpela Komyuniti". Na em i tok klia gut olsem Ramu NiCo i bilip strong olsem ol gutpela wok em i laik kamapim we i pas wantaim divelopmen i mas pas moa wantaim ol lokal komyuniti we Ramu NiCo i mekim wok long en.

Mi bilip long gutpela toktok Mista Paining i mekim bikos insait long PNG, 97% bilong graun em ol lokal pipel i papa long en. Olsem na gutpela wok bung na pasin long save gut long wanpela arapela i mas oltaim stap long sevim nid bilong ol lokal pipel na tu komyuniti kampani i wok insait long en. Yes dipatmen bilong Mista Paining I lukautim wok bilong komyuniti afes we ol i gat bikpela wok tru long wokim "gutpela bris" namel long kampani na ol lain papagraun insait long dispela bikpela multi-milien Kina projek.

Mi bin wok raun go long Madang las wik na i amamas long kisim tok-orait long Ramu Nico Menesmen Limited (MCC) long raun i go lukim konstraksin wok long Basamuk rifaineri na bihain long KBK we nikel main i stap long en na tu ol bikpela masin nap les bilong wok long Butua. Bihain long raun bilong mi i go long Basamuk, we bikpela bris we ol ovasis sip bai kam kisim nikel i go ovasis, pablik rilesins ofisa bilong Ramu NiCo (MCC), Mathew Yakai wantaim



Ol Komuniti Afes wokman long Basamuk, Dubam Awam (lephan), Nick Genaia, nius-man James Kila na Leffy Ovesa

draiva bilong kampani, Jeffery i karim mi long kar i go olgeta long KBK (Kurumbukari) na mipela i raunim 27-pela kona rot long maunten i go antap long Butua we nupela kemp i stap long en na bihain mipela i draiv i go lukim olpela kemp. Tru tumas, wanem samting mi lukim i narakain stret. Ol dispela lain bilong China i min bisnis yet stret.

Tru tumas, wanem samting mi lukim long ai bilong mi i mekim mi guria stret. Ol dispela lain wokman bilong China i putim bikpela tingting tru long divelopmen na wok. Na kain wok bilong ol i narakain stret. Ol save wok de na nait wantaim na sampela taim ol i no save malolo. Ol lain bilong hatwok stret. Kain kalsa bilong ol long wok em strong tru na i winim pasin ol waitman bilong Yurop, Australia na Amerika i save bihainim. Tru tumas, ating ol dispela lain Saina man ya i mas masin o?

Mi ken tokaut olsem maski olsem planti kain kain toktok i wok long kamap egens long ol lain bilong China insait long PNG, pasin dispela kampani Ramu NiCo i mekim i smat moa na ating sapos yumi ol lain bilong PNG olsem gavman, lokal pipel na tu ol non-gavman ogenaiesin (NGO) i wet na givim taim long dispela kampani long gohet long wok, ating moa gutpela wok divelopmen bai i kamap long gutpela bilong komyuniti, Madang provins na Papua Niugini.

Ramu NiCo wok klostu wan-

Bikpela bris long Basamuk i gat tripela bikpela krein tru na em wanpela bikpela bris insait long Saut Pasifik. Foto: James Kila



taim ol lokal kampani bilong ol papagraun oslem Kurumbukari Lenonas Asosesin, Maigari Inlen Paipain Lenonas Asosesin, Kostal Paipain Lenonas Asosesin na Basamuk Lenonas Asosesin. Komyuniti Afes dipatmen bilong Ramu NiCo i go pas long wok klostu wantaim ol dispela lain kampani bilong ol papagraun.

Long taim mi raun i go olsem long Basamuk, mi bin gat sans long toktok wantaim Deputi Jenderal Menesa bilong Basamuk Rifaining Plent, George Wang.

Mista Wang, i daunim em yet stret na i toktok gut tru long mi na stori long wok Ramu NiCo i

mekim wantaim ol lokal pipel.

Turangu, ol lain bilong Saina i no save ekting olsem ol bos na apim ol yet olsem ol waitman i save mekim. Ol i save wok hat na mekim ol yet doti bikos ol i laik lukim wok i kamap na tu soim gutpela kalsa bilong hatwok long ol arapela long bihainim.

Mi amamas tru long raun bilong mi i go long Butua na lukim ol gutpela wok divelopmen i kamap long sait bilong konstraksin. Tru tumas, wok i kamap narakain stret.

Mi ken tok olsem mi bin wok raun i go long ol arapela maining projek insait long PNG, tasol kain

wok mi lukim long Butua na KBK em Ramu NiCo i mekim em narakain stret na i gat stail bilong en yet.

Mi bin raun tu i go long rilokesin eria we Ramu NiCo i wokim haus bilong ol papagraun long Ekekuai. Ol dispela haus kapa i gutpela tru long ol rurel femili long stap long en. Planti ol femili i amamas tru long Ramu NiCo. Long neks ripot bai mi givim sampela moa stori bilong Ramu NiCo na ol komyuniti em I helpim long Madang provins. Olsem na putim ai tasol long Wantok Niuspepa.

**Laikim yupela moa moa yet.....**

# Sapotim ol meri long kamap gutpela lida

LONG LAS wik, wanpela yangpela meri konsalten i stap long Solomon Ailans, we Wol WYCA i kisim em long kontrak, i bin raun i kam long PNG long kisim tingting bilong ol yangpela meri PNG long wanem



**Yut, Meri na Famili wantaim Lorraine Siraba**

samting ol i ken mekim bilong developim lidasip bilong ol yangpela meri long olgeta level.

Long NCD, moa long 40 yangpela meri i kam long long kain kain wok na ol skul sumatin tu i bin givim tingting bilong ol long ol banis na hevi i save stopim ol long kamap long lidasip level.

Dispela ol toktok na kisim tingting i bikpela samting bikos ol bai bungim ol wantaim na wokim wanpela ripot long kamap wantaim komon gol bilong developmen bilong ol meri. Bihainim dispela wokabaut na ol tingting em i kisim, ol bai yusim ol tingting long daunim ol hevi we ol meri long Esia-Pasifik rijen i bungim olsem edukesen, strongim ol meri long wok mani sait, seksuel na riprodaktive helt rait, lidasip na vailens agensim ol meri.

Sampela ol samting we ol meri i bin tokaut long ol we i stopim lidasip developmen skil em long i no kisim gutpela infomesen, vailens, tumbuna pasin na kalsa, bihainim ol pren na wan krismas grup, kisim bel taim ol i yangpela tumas, ting olsem ol meri i no inap mekim gutpela samting, nogat save long rit na rait, famili bruk, mani hevi na hevi namel long ol man na meri.

Bilong daunim ol dispela hevi, ol meri i bin tok i moabeta long ol papamama i luksave olsem edukesen bai kamapim gutpela samting na salim ol pikinini meri i go long skul, long kantri i luksave long samting ol meri i ken mekim na go pas na prektisim jenda ikwaliti, ol meri i luksave long God na larim Holi Spirit i go pas long mekim ol disisen, famili na komyuniti sapot na PNG i senisim tingting na pasin.

Dispela ol yangpela meri i gat namel long 13 na 19 yia i lukim ol dispela banis na givim tingting

long ol rot long stretim ol i soim olsem dispela ol meri i gat sans long kamap ol lida.

Tasol long planti taim, ol no save lukim na harim tingting bilong ol meri taim ol i autim ol tingting bilong ol long komyuniti, wokples na famili.

Em i bikpela samting long sosaiti i givim bikpela tingting long ol meri bikos populesen bilong ol meri long wol i bikpela moa, tingting, toktok na disisen bilong ol long ol samting we i karamapim laip em ol i no autim na harim na sapos yumi laik kamapim gutpela, jas na fea sosaiti long ol pikinini long bihain taim, ol meri i mas stap insait long ol wok bilong mekim ol bikpela disisen.

Beijing Platfom Eksen em dispela intanesenel agrimen ol bin kamapim long yia 1995 i toktok long strongim ol meri na singaut long rausim ol banis i save stopim ol meri long stap insait long bikpela wok na mekim ol disisen long pablik na praivet laip. Dispela i min olsem man na meri i mas serim ol wok na long nesene na intanesenel level. Olgeta i mas givim sapot long inapim ol samting i stap long dispela agrimen.

Olsem wanpela yangpela PNG meri i tok long taim bilong givim tingting, i gat nid long PNG i mas senisim tingting na sapotim lidasip bilong ol meri long olgeta level olsem long politikel level bikos olsem ol lida, ol meri i ken helpim long givim stia long stendet bilong laip yumi laikm olsem laikim fridom, ikwaliti, jastis na gutpela sindaun bilong olgeta. Sapos ol yangpela PNG meri i ken lukim dispela, watpo na ol narapela manmeri long PNG na moa yet, ol politikel lida na ol disisen meka husat i gat pawa long mekim kamap ol senis?

Veronica Hatutasi  
i raitim

**SEFTI NA** sekyuriti bilong ol meri long siti em i bikpela samting tude bikos long ol birua na bagarap ol i save bungim olgeta de long taim ol i go long wok, skul, kisim sevis na ol narapela famili na haus wok.

Kalap long ol PMV bas na trak i wanpela bikpela hetpen ol meri i go long wok, skul, haus sik, maket na ol mama i gat bel, bebi na moa long wanpela pikinini i save bungim olgeta de bikos ol i mas resis wantaim ol man. Mekim na long planti taim, ol meri na ol mama i save kisim taim tru bikos ol man i gat moa strong na ol i save pusim wei bilong ol i go insait long bas na ol turangu meri na ol mama i sanap longpela taim wetim PMV bas. Bikos long dispela, ol man nogut i save lukim olsem sans bilong ol long pulim bilum o bek na stilim ol mani samting bilong ol meri na wokim ol narapela pasin i no stret long ol meri.

Wanpela grup long Mosbi siti, em India Asosiesen, i luksave long dispela hevi na wari bilong ol meri long siti na donetim wanpela 25 sita PMV bas bilong karim ol meri pasindia tasol, i go long Nesene Kapitel Distrik Komisn (NCD) long dispela wik Mande.

"Populesen o mak bilong ol manmeri long Mosbi siti i wok long gro olgeta dena yumi lukim

SEFTI NA sekyuriti bilong ol meri long siti em i bikpela samting tude bikos long ol birua na bagarap ol i save bungim olgeta de long taim ol i go long wok, skul, kisim sevis na ol narapela famili na haus wok.

Kalap long ol PMV bas na trak i wanpela bikpela hetpen ol meri i go long wok, skul, haus sik, maket na ol mama i gat bel, bebi na moa long wanpela pikinini i save bungim olgeta de bikos ol i mas resis wantaim ol man. Mekim na long planti taim, ol meri na ol mama i save kisim taim tru bikos ol man i gat moa strong na ol i save pusim wei bilong ol i go insait long bas na ol turangu meri na ol mama i sanap longpela taim wetim PMV bas. Bikos long dispela, ol man nogut i save lukim olsem sans bilong ol long pulim bilum o bek na stilim ol mani samting bilong ol meri na wokim ol narapela pasin i no stret long ol meri.

Wanpela grup long Mosbi siti, em India Asosiesen, i luksave long dispela hevi na wari bilong ol meri long siti na donetim wanpela 25 sita PMV bas bilong karim ol meri pasindia tasol, i go long Nesene Kapitel Distrik Komisn (NCD) long dispela wik Mande.

"Populesen o mak bilong ol manmeri long Mosbi siti i wok long gro olgeta dena yumi lukim

SEFTI NA sekyuriti bilong ol meri long siti em i bikpela samting tude bikos long ol birua na bagarap ol i save bungim olgeta de long taim ol i go long wok, skul, kisim sevis na ol narapela famili na haus wok.

Kalap long ol PMV bas na trak i wanpela bikpela hetpen ol meri i go long wok, skul, haus sik, maket na ol mama i gat bel, bebi na moa long wanpela pikinini i save bungim olgeta de bikos ol i mas resis wantaim ol man. Mekim na long planti taim, ol meri na ol mama i save kisim taim tru bikos ol man i gat moa strong na ol i save pusim wei bilong ol i go insait long bas na ol turangu meri na ol mama i sanap longpela taim wetim PMV bas. Bikos long dispela, ol man nogut i save lukim olsem sans bilong ol long pulim bilum o bek na stilim ol mani samting bilong ol meri na wokim ol narapela pasin i no stret long ol meri.

Wanpela grup long Mosbi siti, em India Asosiesen, i luksave long dispela hevi na wari bilong ol meri long siti na donetim wanpela 25 sita PMV bas bilong karim ol meri pasindia tasol, i go long Nesene Kapitel Distrik Komisn (NCD) long dispela wik Mande.

"Populesen o mak bilong ol manmeri long Mosbi siti i wok long gro olgeta dena yumi lukim

SEFTI NA sekyuriti bilong ol meri long siti em i bikpela samting tude bikos long ol birua na bagarap ol i save bungim olgeta de long taim ol i go long wok, skul, kisim sevis na ol narapela famili na haus wok.

Kalap long ol PMV bas na trak i wanpela bikpela hetpen ol meri i go long wok, skul, haus sik, maket na ol mama i gat bel, bebi na moa long wanpela pikinini i save bungim olgeta de bikos ol i mas resis wantaim ol man. Mekim na long planti taim, ol meri na ol mama i save kisim taim tru bikos ol man i gat moa strong na ol i save pusim wei bilong ol i go insait long bas na ol turangu meri na ol mama i sanap longpela taim wetim PMV bas. Bikos long dispela, ol man nogut i save lukim olsem sans bilong ol long pulim bilum o bek na stilim ol mani samting bilong ol meri na wokim ol narapela pasin i no stret long ol meri.

Wanpela grup long Mosbi siti, em India Asosiesen, i luksave long dispela hevi na wari bilong ol meri long siti na donetim wanpela 25 sita PMV bas bilong karim ol meri pasindia tasol, i go long Nesene Kapitel Distrik Komisn (NCD) long dispela wik Mande.

"Populesen o mak bilong ol manmeri long Mosbi siti i wok long gro olgeta dena yumi lukim



**GIVIM KI:** Presiden bilong India Asosiesen, Sudhir Guru i givim ki bilong ol meri tasol bas i go long Gavana Parkop, taim ol asosiesen memba I lukluk I stap. *Poto: Nicky Bernard*

bikpela hevi we ol wok meri i bungim long kalap long ol PMV bas olgeta moning na go long wok. Long sampela taim, ol man nogut i save pulim ol bek na stil long ol meri long bas stop na ol i no pilim seif.

"Olsem na India Asosiesen long PNG i l amamas long givim wanpela 25 sita PMV bas i go long NCD we bai lukautim na menesim bilong karim ol meri pasindia tasol long Gerehu i go olsem long 4 Mail na long taun. Ol meri pasindia bai peim basfea olsem tasol long ol narapela PMV bas long siti, tasol ol meri komyuniti bai pilim seif long dispela bas," Presiden bilong India Asosiesen long PNG, Sudhir Guru i tok.

NCD Gavana, Powes Parkop, taim em i tok tenkyu long India

Asosiesen long gutpela donesen bilong ol, i bin tok em i amamas long asosiesen bilong luksave long hevi bilong ol meri na long nambawan taim long histri bilong PNG, givim wanpela bas long helpim ol meri pasindia long siti.

Tasol long wankain taim, em i tok em i sem long kain hevi i kamap long ol meri long PNG long sait bilong trenspot we wanpela grup bilong narapela kantri i luksave long en na traim long helpim.

"Mi amamas long India Asosiesen i luksave long hevi na helpim long lukim olsem ol meri na ol yangpela pikinini i wokabaut long seif rot.

"Bai mi mekim olgeta samting long lukim olsem bas i mekim ron long kisim tasol ol meri pasindia long siti. Dispela em

ol meri i wok, ol sumatin meri i go long skul na ol mama i wokim raun long maket, kisim ol pikinini i go na i kam long skul na ol wok olsem.


"Mi salensim ol PMV bas draiva na pablik long siti long noken wokim nabaut long ol meri pasindia o rausim ol long ol PMV bas. Ol PMV i bilong olgeta man na meri tasol givim bas long kisim ol meri pasindia tasol em i wanpela pilot projek sapos i wok bai mi givim narapela tupela o tripela bas moa long edresim ol sefti na sekyuriti sait bilong ol meri long siti.

"Em i sem pasin long ol meri na ol pikinini sumatin meri i kisim hevi, bagarap na stilim ol samting bilong ol long bas stop.

"Dispela pasin i no helpim kantri bilong yumi i gro gut na givim piksa nogut ovasis.

## GLOBE MACKEREL

More Easy  
More Tasty  
More Energy



**GLOBE** ....the perfect choice



# K130 milion dinau bilong divelopim ol komyuniti kolis

OL KOMYUNITI kolis long PNG i kisim K130 milion long karimaut namba tu hap long ol wok divelopmen long sanapim na go hetim ol wok bilong ol.

Edukesen Minista, James Marape, i tok Treseri na Fainens Minista, Peter O'Neill i sainim wanpela "loan" o dinau mani agrimen wantaim Exin Benk bilong Saina long US\$35 milion manimak (K130 milion) bilong karimaut ol wok bilong divelopim 13 komyuniti kolis insait long PNG.

As tingting bilong sanapim Komyuniti Kolis sistem long PNG em long givim namba tu sans i go long ol yangpela man na meri, ol pikinini man na pikinini meri husat i no inap kisim skul long nomol edukesen sistem.

Long dispela rot, kolis i givim

save, wok na pawa long ol grup we i bin ting olsem ol i nogat rot long mekim samting, long kisim save bilong "midel skil" level we bai helpim ol yet na kontribut long ol wok divelopmen bilong kantri.

PNG bai peim bek dispela dinau mani wantaim 2 pesen intres long 15 krismas.

Taim Mista Marape i tok tenkyu long Minista O'Neill long sainim agrimen wantaim Exin Benk bilong Saina na nesanel gavman long go pas long ol toktok bilong kisim dispela dinau mani, em bin tok dispela hap bilong edukesen rifom o senis i stap long helpim kamapim gut ol trening we teknikal na vokesenel trening (TVET) i givim. Na dispela kain kolis i givim sans long ol sumatin na pablik long skul we ol i ken go

bilong kisim save na helpim ol yet na laip bilong ol i gutpela.

Mista Marape i tok as tingting long sanapim ol komyuniti kolis na wok ol i mekim i bihainim PNG Visen 2050.

Aninit long PNG Visen 2050, gavman i bilip olsem em i ken givim pawa long ol pipel bilong dispela kantri wantaim rait edukesen na ol laip skil. Na givim ol sans long gat gutpela laip taim ol i wokim samting stret taim gavman i ranim ol vokesenel senta long olgeta distrik, sanapim wanpela politeknikal skul long ol wan wan rijen na sanapim wanpela teknikal kolis long wan wan provins.

"Mi nau mi singautim olgeta stekholda long sapatim divelopmen bilong ol komyuniti kolis long PNG," Mista Marape i tok.

## Ol dokta na komyuniti helt nes bai lusim wok

OL HAUS sik na siklain long kantri bai kisim hevi sapos plen bilong ol dokta long lusim wok tumora, Fraide, i kamap tru.

Presiden bilong PNG Nesanel Doktas Asoseisen (PNG NDA), Dokta Kauve Pomat, long dispela wik i bin tokaut long tingting bilong ol dokta long lusim wok bikos gavman i no stretim ol pe na alauwens bilong ol long 2009 yet i kam inap nau.

Ol toktok i wok long kamap namel long ol bikman bilong Helt, Pesenel Menesmen Dipatmen na ol narapela dipatmen we i gat samting bilong mekim long dispela hevi, tasol nogat gutpela samting i kamap yet.

Long nau, planti lain i sapatim ol dokta long stop wok plen bilong ol tumora bikos gavman i no bisi long stretim wari bilong ol dokta.

Tred Yunien Kongres bos, John Paska, i wanpela i autim sapatim bilong em na planti lain i bin givim tingting bilong ol long FM 100 Tok Bek progrem long aste.

Planti i tok ol dokta i save mekim bikpela wok long sevim laip bilong ol siklain na ol i gat ol famili we ol i mas lukautim na putim ol pikinini i go long skul. Olsem na gavman i mas mekim ol gut long sait bilong givim ol haus, ol pe, ol entaitelmen na ol alauwens bilong ol.

Long wankain taim, Komyuniti Helt Wokas Asosiesen (CHWA) i tok ol i sapatim ol dokta na lusim wokbikos ol tu i no amamas long Helt na Treseri Dipatmen i no stretim ol autstending alauwens bilong ol.

Nesanel presiden bilong PNG CHWA, Dec Isaac, i tok ol i sapatim ol dokta bikos ol komyuniti helt woklain i wetim yet namba tri hap long ol autstending alauwens bilong ol long 2007, na sampela bilong ol woklain i dai pinis.

Em i tok em no amamas long rot we Industri Seksen bilong nesanel Helt Dipatmen i mekim long no stretim ol samting na em i laikim ol bai bihainim na stretim ol peimen hariap.

Mis Isaac i tok ol memba bilong PNG CHWA bai lusim wok sapos Helt na Treseri Dipatmen i no givim ol gutpela bekim long wari bilong ol.

## Tok lukaut long skul sensus ...Sensus long dispela wik

TOK LUKAUT i go long ol tisa long noken giaman na givim moa mak bilong ol sumatin long ol wan wan skul bilong ol bikos ol bai kisim bikpela mekimsave. Dispela i bihainim wanpela wik skul sensus bilong dispela yia, 2011, we i bin stat long dispela Mande Mas 21 inap long tumora Fraide, Mas 25.

Skul sensus em i wanpela bikpela samting bikos em i save helpim long ol wok plening na divelopmen na ol arapela samting bilong skul na kantri.

Ekting Edukesen Sekreteri, Dokta Joseph Pagelio, i tok dipatmen i save wokim skul sensus olgeta yia bilong kisim ol data i stret, long skelim wok dipatmen i mekim agens long ol edukesen gol we gavman i makim long en.

Em i tok skul data o ripot i helpim dipatmen long save long hamas tisa, ol sumatin na ol skul biling wan wan edukesen sekta bai gat long wanpela yia.

Dokta Pagelio i tok ol tisa husat i save tasol ol i giaman na putim moa sumatin make m ol bai painim ol na givim ol mekim save.

Em i tok i gat sampela skul tisa, ol het tisa na prinsipel i wok long givim giaman namba i moa antap long trupela sumatin mak long ol wan wan skul bilong ol bikos ol i laik kisim moa gavman skul subsidi fi.

Em i tok long provinsel level, em i wok bilong ol provin sel sensu kodineta long redim ol 12,000 het tisa na prinsipel long pulumapim ol skul sensus fom gut na givim long taim stret.

Long givim stia long ol provins, ol provinsel sensus plen i mas gat ol dispela samting long en. Em long skul sensus tisa miting, plen bilong provinsel trena bilong ol trena, plen bilong holim miting bilong ol lain i bin karimaut sensus, plen bilong tilim na kisim bek ol skul sensus fom na samari bilong provinsel skul sensus baset plen.

Ol ki deit bilong 2011 skul sensus em long het tisa bung long ol zon bilong glasim na bungim ol skul sensus fom i stat long Mas 21-25, Edukesen Dipatmen i mas kisim bek ol skul sensus fom long Epril 18, ol nesanel na provinsel ripot i mas redi Jun 30 na glasim na sekim ol skul sensus i mas pinis long Julai 4, 2011.

Dokta Pagelio i askim olgeta skul long kantri long pulumapim ol skul sensus fom gut.

"Em i bikpela samting long olgeta skul i stat long elementeri na vokesenel level bilong pulumapim ol dispela fom bikos bai mipela i yusim ol dispela infomesen long mekim ol baset plen long ol wok kamap insait long edukesen sistem," Dokta Pagelio i tok.



AMAMAS LONG SKUL: Ol sumatin bilong Kuye elementari skul klostu long Usino mausrot i amamas long Ramu NiCo (MCC) long HOPE skul em i kamapim long skulim ol. Foto: James Kila

## Ol sumatin amamas long Ramu NiCo long skul

James Kila i raitim

OL SUMATIN insait long ol komyuniti we Ramu NiCo (MCC), divelopa bilong bikpela malti-milien Kina nikel na kobalt projek insait long Madang provins, i amamas tru long gutpela helpim ol i kisim.

Ol dispela sumatin i amamas long dispela bikpela projek divelopa bilong Saina long wokim kamap naispela ol klasrum we ol sumatin i ken sindaun gut na lainim nupela samting na kisim gutpela save long helpim ol yet na sindaun bilong ol long bihainim taim.

Wantok Niuspepa i bin mekim lukluk raun i go long tupela skul em Ramu NiCo i helpim long

kamapim. Ol dispela skul em Naru lowa-praimeri skul insait long wod 15 long Usino lokal level gavman (LLG) na Kouye elementary skul klostu long mausrot bilong Usino long wod 16 bilong Usino LLG.

Het-tisa long Naru lowa-praimeri skul Peter Adams i tok olsem komyuniti long Naru i amamas tru long Ramu NiCo insait long ol helpim em i givim i go long ol lain komyuniti we paip-lain bilong bringim nikel i go daun long Basamuk long Raikos long Madang provins.

Mista Adams i tok tu olsem ol pikinini i amamas long skul insait long ol klasrum we i luk nais tru na i amamas long lainim nupela samting.

Narapela skul Wantok Niuspepa i raun i go lukim em Kuye skul we 128 sumatin i save skul long en. Dispela skul i gat elementeri 1 na 2 na i gat 3-pela tisa i save wok long hap.

Ol tisa i tok planti ol sumatin i amamas tru long go long dispela skul bikos pastaim ol i save stap long morota ruf klasrum tasol MCC i helpim ol gut wantaim haus kapa we i givim gutpela ples bilong sindaun mekim skul wok na skruim lainim bilong ol.

Ol dispela skul we Ramu NiCo (MCC) i givim helpim em ol i kolim ol HOPE skul na MCC i wokim naispela ol klasrum we ol sumatin i ken sindaun insait long lainim planti gutpela samting.



**TOKSORI: Atikel bilong las wik i bilong Pater Paul Liwun, tasol Wantok i bin asua na putim nem na poto bilong Pasto Ohare Jabere olsem raita . Olsem na Wantok i ranim gen dispela atikel wantaim Pater Paul Liwun SVD olsem trupela raita. Wantok i tok sori long dispela asua. Edita**

## SATAN i STAP YET?

WANPELA wik bihain mi go nupela long Hanuabada, mi harim sampela i nok long haus dua long wanpela Sarere. Taim mi opim, foapela yangpela man i stap. Wanpela bilong ol i tokim mi olsem: "Mipela 20-pela yut bilong Sentral Provins i kam bihainim wanpela kos. Tasol nau mipela i nogat mani long baim bas na go bek long ples. Narapela yut i wetim mipela long Base Seal".

Mi askim ol husat i bin salim na ol i tok provinsel gavman. Wantu tasol na wanpela bilong ol i tok: "Nogat Pater. Paris pris i bin salim mipela i kam".

Nau mi bilip long husat? Gavman o provinsel gavman o peris pris? Taim mi tok olsem, wanpela bilong ol i kamap klostu moa long dua na traim long tok strong long mi olsem wanem samting ol i tok i tru, gavman na peris pris. Tasol taim em i kamap klostu, mi smelim mariwana i kam aut long maus bilong em.

Olsem na mi askim em sapos ol i bin smokim mariwana. Tasol ol i tok nogat. Mi tokim ol "Yupela yangpela ya! Noken trikimi. Ating yupela i sot long mani long baim mariwana, olsem na yupela i kam na trikimi. Yupela i kamap aste tasol ya? Olsem na noken trikimi. Mi stap nupela yet long Hanuabada, tasol mi lapun pinis long PNG. Taim mi kamap long PNG, mama bilong yupela i no karim yupela yet."

Mi askim ID o pas bilong gavman o peris pris. Ol i tok ol i nogat ID na nogat pas bilong gavman na peris pris. Olsem na mi tokim ol: "Em inap. Tenkyu long kam na lukim mi. Mi gat narapela wok i stap yet. Yupela go na askim gavman na peris pris bilong yupela long givim bas fea bilong yupela".

Long apinun, mi bungim ol klos long lain, mi no painim tawel bilong mi. Bihain long sampela wik, taim mi wokabaut kam bek long lukim ol sik manmeri na lapun long Rauguri Setelmen, mi stop na stori wantaim sampela yangpela long maket klostu long tanel. Mi tingim pes bilong wanpela bilong ol, na mi askim em: "Mi bin lukim pes bilong yu wantaim narapela tripela yangpela i bin kam long haus bilong mi askim bas fea bilong go long Sentrel. Em i tok yes. Na mi askim em: "Taim yupela i lusim haus bilong mi, ating yupela i kisim tawel bilong mi long lain a?" Em i bekim stret na i tokim mi olsem: "Bikos yu no givim mipela mani, olsem na mipela kisim tawel bilong yu na salim, kisim K4 na mipela baim mariwana long smokim". Mipela olgeta i lap.

Fani stori a? Tasol dispela em i rot Satan i save wok insait long manmeri. Em i traim Jisas long ples nating, na em i no win (Mt 4: 1-11). Tasol em i bin yusim narapela manmeri long bagarapim wok na tok nogat long Jisas o lusim Jisas. Satan i bin yusim Judas long salim Jisas i go long ol birua. Long Paradais, em i bin yusim Iva long bagarapim laip bilong Adam na tupela i pundaun long sin.

Inap long dispela taim, Satan i stap yet. Em i save yusim yumi long wokim pasin nogut olsem tok nogut, bikhet, pamuk, spak na pait, tok baksait, nogat rispek long narapela, na planti moa. Noken tingting olsem Satan yet bai kam na traim yumi olsem em i bin wokim long Jisas.

Em i bin yusim 4-pela yangpela man long trikimi. Ol i no inap trikimi mi olsem na em i bin yusim ol gen long stilim tawel bilong mi. Satan i kleva tumas.

Long dispela taim bilong Len, God i yusim yumi long mekim gut. Tasol tingim tu Satan bai traim hat long yusim yumi tu. Olsem na stap was olgeta taim.

# Sen Matins Engligen Peris i go pas long tokaut long sik AIDS

Ivan Bayagau i raitim

**HIV NA AIDS em i wanpela hevi we bai bagarapim planti manmeri insait long komyuniti we Angliken Sios i lukluk long en, na em i wankain long olgeta sios insait long kantri.**

Sen Martin Angliken sios em i wanpela peris insait long Pot Mosbi we i go pas long dispela wok long tok lukaut bilong HIV na AIDS.

Ol yut bilong Sen Martins Angliken peris i bin stap long wanpela awenes woksop em Anglicare i bin karimaut. Woksop i bin lukim moa long 17-pela manmeri bilong Sen Martin, Sen Aidens na Holi Famili Angliken sios yut i stap long em wantaim ol narapela yut bilong i gat Hope ogenaísesen na Yunaitet Sios.

Long Fraide las wik, olgeta Angliken yut husat i bin stap long dispela HIV na AIDS awenes woksop i bin bung long Sen Martin's peris long wokim wanpela prisentesen long soim olgeta memba bilong peris wanem samting ol i lainim long dispel awenes woksop.

Bikpela as bilong dispela woksop em i bilong "peer" o pia edukesen o skul bilong rot ol i ken toktok wantaim ol wanlain bilong ol long lukaut long sik AIDS.

Aninit long dispela pia edukesen, ol i lainim loa bilong yusim kondom o karamap, wanem em sik AIDS na wanem em HIV.

Insait long dispela woksop, wanpela mama na olpela skul tisa, Lashma Kei, i bin tokaut olsem dispela woksop i opim ai bilong em long lukluk long wanem bagarap sik AIDS i bringim long komyuniti na kantri wantaim.

Em i bin tok olsem, bipo long dispela woksop, em i save les long harim toktok bilong sik AIDS na em i les helpim ol husat lain i kisim sik AIDS. Tasol nau, em i save olsem dispela em i bikpela hevi tru na em i laik helpim ol pipel insait long komyuniti bilong em long pait agensim sik HIV na AIDS.

Sen Martins Angliken long las yia Desember em i bin lonsim wanpela ministri bilong em long lukluk long HIV na AIDS.

Dispela ministri bai karimaut ol wok-

sop long lainim ol memba bilong peris long HIV na AIDS, na tu ol narapela eria we ol i ting olsem bai sampela asua i kamap long dsik HIV na AIDS.

Siaman bilong Kaunsil bilong Sem Martin Sios, Erastus Kamburi i tok olsem, Sen Martins i gat wanpela "open policy" o em i nogat wanpela loa we bai em i noken stapim ol wok we i gat asua na i bagarapim ol pipel.

Em i tok, olsem HIV na AIDS em i

wanpela bikpela hevi i wok long bagarapim ol komyuniti na dispela bagarap tu i wok long kamap insait long haus lotu.

Mista Kamburi i tok ol sios i mas nau lukluk long dispela hevi na wok bung wantaim long abrusim sik HIV na AIDS.

Laspela long en, em i tok kaunsil bai sapotim wok bilong HIV na AIDS ministri bilong insait long Sen Martin Engligen Peris long kamap strong.



ANGLIKEN YUT AIDS AWENES: Philem Baboa i soim kondom bilong ol meri na rot long yusim long taim bilong awenes woksop.

## Asbisop bilong bilong Czestochowa toktok long Pop John Paul 2

MUN Mei 1 long dispela yia bai bikpela de long Katolik Sios bilong wanem, hetman bilong sios husat i dai pinis, em Pop John Paul 2, em sios bai givim em luksave long kamap santu.

Ol wok redi kamap nau long seremoni bai kamap long Sen Peter's basilica long Rom we Pop Benedict 16 bai go pas long en. Long rot ol samting i go long en, planti Katolik pipel bai go long dispela seremoni we pop we planti i lukim olsem wanpela gutpela na holi man i laikim tumas prea laip, Jisas, Mama Maria na ol manmeri, i kisim dispela luksave long kamap "Blessed" o santu.

Asbisop bilong Czestochowa long kantri Polan (Poland) em Asbisop Stanislaw Novak, i bin wanpela

sumatin na tu, i bin wok wantaim em i autim sampela toktok long watpo wokim santuim seremoni long pestode bilong Divain Mesi (Divine Mercy) i bikpela samting.

Asbisop Stanis i tok nius bilong santuim Pop John Paul 2 i mekim em i amamas tru.

"Em i bikpela samting olsem seremoni bilong santuim bai kamap long pestode bilong Divain Mesi.

"John Paul 2 i save laikim tru Divain Mesi. Em bin givim bikpela sapot tru long sios i luksave long dispela pestode na putim long kalenda bilong em.

Em i tok Pop John Paul 2 em i bikpela witness bilong Divain Mesi wantaim Santu Faustina Kowalska na Bleset Michael Sopocko.

Em i tok John Paul 2 i save laikim olgeta man na moa yet, ol yangpela pipel, bilip bilong em i strongpela tru na olgeta hap bodi bilong em i pulim win long pasin bilip.

Em i tok mun Mei em i mun bilong Pop John Paul 2 bikos em i givim dispela mun i go long Mama Maria na planti ol samting em i mekim em long mun Mei. Na seremoni bilong santuim em bai kamap long mun Mei tu.

Asbisop Nowak i hetman bilong Czestochowa Asdaiosis long 17 yia, stat yet long 1984. Long ol wokabaut bilong em i go long Polan, Pop John Paul 2 i bin raun i go long dispela siti long 1979, 1983, 1987, 1991, 1997 na 1999.



**TOK PISIN NEWS**  
from Radio Australia

radioaustralia.net.au

Harim TOK PISIN long  
Radio Australia  
**101.9FM**  
Port Moresby

Tok Pisin Service

6am - 7am 6080; 7240(KHZ)

7pm - 9pm 5995; 6020; 9710; 1280(KHZ)

## Fiji i mas senisim wok bilong salim pis ovasis: EU

AMBESEDA bilong European Union long Pasifik i tok pising bisnis bilong Fiji i mas bringim i kam insait ol nupela we bilong ekspot o salim pis i go long narapela kantri, bilong kisim moa mani.

Ol i tok orait pinis long Fiji long joinim ken lista bilong ted wol kantri long salim pis i go long EU.

Ol i bin rausim nem bilong en long lista long 2007 bikos em i no save bihainim ol rul bilong EU.

EU Ambeseda Wiepke Van Der Groot i tok Fiji na Papua Niugini em tupela kantri tasol long Saut Pasifik em tupela miting ol EU rul insait long wok bilong tupela long salim pis i go long narapela kantri.

Ambeseda Van Der Groot i tok Fijii mas yusim dispela sans bilong go insait long EU maket na apim namba bilong ol pising bot bilong en.

## Pawa i kam bek long sikspela riekta long Fukushima

OL imejensi tim i bin nap long statim pawa ken long olgeta sikspela riekta long Fukushima nuklia pawa stesin, em guria na sunami i bin bagarapim.

Tasol Not Esia niusman, Mark Willacy, i ripot i kam long Tokyo olsem, wari long mak bilong nuklia posin oa radiesen level raun long pawa stesin i wok long kamap bikpela yet.

Mark Willacy i tok ol atoriti i tambu pinis long ol kaikai i kam long foapela prifeksa o provins raun long Fukushima pawa stesin, bihain long taim ol i lukim level o mak bilong nuklia posin i bin bikpela moa winim sef mak.

Ol i painim dispela bikpela mak bilong nuklia posin long ol samting olsem milk na vegetables o kumu kaikai.

Ol i givim oda pinis tu long ol i mas inspektim oltaim ol sifut o kaikai i kam long solwara, em bihain long ol i painim aut olsem, mak bilong nuklia aiodain i bin 80 taim moa long ol kaikai bilong Pasifik Osen klostu long dispela pawa stesin.

Pawa i kam bek pinis long olgeta sikspela nuklia riekta long dispela pawa stesin, tasol ol i laik mekim moa wok bilong glasim gut olgeta samting pastaim long ol i ken kirapim pawa stesin.

Taim em i kirap gen, ol i ken glasim na skelitim gut ol riekta.

Ol i laik wet tu na lukim sapos kuling sistem bilong ol riekta em sunami i bin bagarapim bai orait long ol i ken kirapim bek.

## NATO statim wok long strongim tambu agensim Libya

NATO i statim bikpela wok bilong lukim olsem ol tambu UN i putim long Libya i noken baim ol samting bilong pait i kam long narapela kantri, i stap strong.

NATO i bin holim miting long Brussels na wanbel long lusim moa pawa bilong nevi na efos long lukim olsem dispela tambu i stap strong na Libya i no baim ol samting bilong



Ol sapota bilong Presiden Gadafi long Libya i sindaun antap long wanpela bikpela tank na tromoi fleg na amamas i stap.

pait long narapela hap.

Sekreteri Jeneral bilong NATO i tok dispela Alaiens salim ol sip na balus i go namel long Mediterranean.

Tasol ol i no stretim tingting yet sapos NATO bai gat tu wok bilong kontrolim na komandim ol wok long hap.

Frans, Teki, na Jemani ol i wari liklik nogut NATO i lidim ol wok agensim Libya.

Ating wanpela straksa bai mas kamap we NATO bai noken ronim ol samting, tasol wanem lain i ronim ol wok i ken yusim ol samting bilong NATO.

## China gavman nius sevis opim opis long Fiji

NIUS sevis bilong Saina gavman, ol i kolim Xinhua, i opim pinis wanpela opis long Fiji.

Bos bilong sevis long Suva, Jiang Xianming i tok kampani bilong em i bin tingting long opim wanpela opis beis long Fiji long wanem Fiji em i bikpela senta long Pasifik rijen.

Em i tok Saina i save gat laik long wanem samting i wok long kamap long Fiji bikos Saina i gat gutpela wokbung wantaim Fiji.

## New Zealand gavman tokaut long bisnis halvim

GAVMAN bilong Nu Silan i tokaut long wanpela pekes bilong kirapim bek ol bisnis i bin bagarap long guria insait long Christchurch.

Mani ol i makim long dispela pekes em i faif milian dola.

Em i tok ol bai yusim dispela mani bilong halvim long muvim na kirapim gen ol bisnis, halvim ol i rong na bilong sapatim ol wok bilong salim samting i go long ol narapela kantri oa ekspot.

Guria Rikavri Minista i tok dispela halvim pekes i karamapim sampela donesen inap

long tu milian dola em bai go long wanpela tras fan em ol bos bilong ol bisnis bai lukautim.

Em bai givim ol profesenel sevis long ol bisnis i bungim hevi na halvim ol bisnis long mu vi go long narapela hap.

Bai ol i gat tu ol pipel bai ol i kolim – ol rikav kodineta, bilong halvim ol bos bilong ol kampani long hariapim ol wok na noken wet na wet long gavman long mekim samting, na bai gat mani tu bilong bisnis trening na ol wok-sop.

Gavman bai sabsidaisim tu wokabout bilong ol bisnisman na meri long go lukluk long ol ovasis maket bilong ol, bilong traim mekim ol i gat bilip gen long wok bisnis wantaim Nu Silan.

Ol bos bilong ol kampani i wok long kisim pinis sampela halvim long gavman bilong peim ol wokman bilong ol.

## Japan gavman i tingting long tambuim kaikai na wara i go long sampela eria

GAVMAN bilong Japan long namel taim, i tingting long stopim ol pipel long baim sampela kaikai long ol eria klostu long Fukushima nuklia pawa stesin.

Mark Simkin i ripot long Tokyo we i tok wanpela taun em i stap 40 kilomita long pawa stesin, ol i tokim ol pipel long hap olsem ol i noken dringim tep wara bikos ol i wari olsem wara i gat posin pinis.

Ol ripot i tok gavman i wok long rereim ol botol wara long ol pipel i ken dringim.

Long Hitachi siti, 100 kilomita saut bilong Fukushima, ol i painim ol kaikai i gat posin pinis.

Tasol gavman i tok strong olsem dispela bai no kamapim hevi long helt bilong ol pipel tasol i tingting long putim tambu long salim kaikai na karim ol i go long dispela ol eria bilong birua.

## Wol Benk i tok Japan birua nonap givim hevi long Esia Pasifik

WOL Benk i tok dispela birua insait long Japan bai no inap kamapim bikpela hevi long ekonomi bilong Esia na Pasifik rijen.

Benk i bilip bikpela hevi bai pundaun antap long ol fainensal institusen taim Japan i gat wan kwata bilong olgeta dinau insait long rijen.

Wol Benk i tok tred tu inap bungim hevi we bisnis bilong ol kar na elektronik samting bai go daun tu.

## Traibunel painim PNG Praim Minista i 'guilty'

OL i painim Praim Minista bilong Papua Niugini 'gilti' oa em i asua insait long wok bilong en bihain long em i no stretim gut ol fainensal ritens bilong en.

Liam Fox i ripot olsem ol i sutim tok long Sir Michael Somare i bin 'fail' long givim olgeta fainensal wok pepa bilong wan wan yia, karamapim moa long tenpela yia i go long Opis bilong Ombudsman bilong kantri.

Wanpela spesol lidasip traibunel bilong tripela jas bilong ovasis, i painim em i asua long faipela sas bilong salim ol fainensal ritens long leit taim.

Traibunel tu i painim em i asua long 8-pela sas bilong salim hariap ol ritens na i no stretim gut olgeta na i lusim planti ol ful infomesen bilong pei na benk akaun bilong en.

Tasol ol i painim em i popoiaia long salim ol fainensal riten insait long tripela yia long 1990s.

Tumora traibunel bai harim ol sabmisin o toktok long wanem ol mekimsave bai ol i givim long em.

Wankain sais i go long ol politisen long ol yia i go pinis, i save kisim ol liklik fain mani long ol asua bilong ol.

## Pasifik kantri i laik senisim Treaty bilong tuna pis wantaim US

WANPELA ten seven Pasifik Ailan kantri i kirapim pinis ol toktok i go long Gavman bilong Amerika long senisim wanpela triti ol tok orait o i kamapim 23 yia i go pinis.

Ol Pasifik ailan kantri i bosim solwara we i save kisim 25 pesen bilong tuna pis.

Na ol i askim long kisim bikpela sea bilong winmani ol i save kisim long tuna, na dispela i min, ol i mas kamapim senis long dispela Triti.

Agrimen i givim ol tuna pising bot bilong US ol gutpela eria we em i isi long painim pis, na tu, i larim ol long hamas tuna pis long laik bilong ol yet.

Man i go pas long holim ol toktok namel long US na ol Pasifik kantri, William Gibbons-Fly, i tok i gat bikpela nid tru long senisim dispela triti.

Namba wan taim ol i sainim dispela wokbung i bin kamap long 1988 na bai pinis taim o ekspai long yia 2013.

**Pacific BEAT**

4, 5, 6am & 4pm, 5pm  
including sport

Listen to Radio Australia  
101.9FM Port Moresby

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.



Jada 2011

# Gris bilong kempen stat pinis

Gutpela long lukim olsem planti memba i wok long givim aut mani long kamapim ol sevis, projek na ol wok developmen insait long ilektoret bilong ol wanwan insait long kantri.

Kantri bilong yumi i sot long planti sevis na developmen tasol Gavman i gat taim bilong em yet long kam na stretim. Wanpela gutpela taim long ol memba em long wanpela yia bipo long nesanel ileksen taim. Olsem na ol memba i wok long kamapim ol liklik projek nau long ol ples we yu yet inap lukim long en. Ol no mekim olsem long las yia i go, ol mekim long 2011 nau.

Tasol bikpela askim em inap olgeta memba bilong palamen i soim ripot long wanem wanem kain projek na sevis ol bin kampim pinis wantaim ol K10 milien ol bin kisim long 2007



i kam inap long 2010 nau?. Soim ol pepa wok na soim tu wok i kamap na stap long we?. Sapos nogat, ating bai dispela K10 milien ol bin kisim long 2011 baset em bilong tromoi tasol long pulim vot na sapot tasol long winim bek 2012 nesanel ileksen.

Mi ting opis bilong ORD o Opis bilong Rurel Developmen noken skelim mani nating long ol memba long dispela yia long ol projek o Fainens Dipatmen noken salim mani go nating long ol distrik we nogat wanpela samting bin kamap wantaim ol K10 milien ol bin kisim pinis long en.

Sampela projek bilong ol memba long 2010 noken kisim o yusim mani bilong 2011 baset bikos 2010 gat

mani bilong em yet na memba mekim wanem long dispela na i no givim go long kain projek olsem?. Wanwan yia mas gat projek bilong ol yet wantaim mani bilong ol yet.

Nau yumi ken lukim olsem ol memba bai giaman tru na kamapim kainkain projek we i nogat plen long en o i no inap stap longpela taim. Em ol gris projek tasol long mekim yumi amamas na givim vot long ol. Pasin bilong baim vot em ol bai yusim mani bilong pipel long kamapim wok olsem projek na sevis long dispela taim.

Sapos ol bin mekim olsem long 2009, 2008 na 2007 we bikpela taim na bikpela mani bin kamap na go pinis bai orait. Blong wanem na las minit?.

Yumi noken ai op na amamas o seksek long dispela kain liklik helpim

nau bikos em mani bilong baim vot tasol long grisim yumi long votim ol memba kam bek long palamen.

Dispela Gavman bilong Somare mas mekim ol samting long lukautim gut ol Gavman memba bilong em. Olsem na ol inap sapotim ol yet wantaim mani long go aut na grisim yu wantaim ol las minit projek.

Em mani bilong yumi ol pipel tasol politiks i go pas long en olsem na ol bai yusim long laik bilong ol na wei bilong ol long grisim yumi tasol.

Lukluk stap, kainkain projek bai kamap long hap bilong yu. Ol kendidet tu bai mekim kainkain pasin na stail tu tasol ol memba nau bai go moa yet bikos ol gat mani na sapot bilong dispela Gavman i stap. Noken wari long ol, amamas long kisim kaikai tasol na vot em stap long han bilong yu yet.

## WANTOK KOMENTRI

### Pasim paus na banisim gut

SAPOS yu bin wanpela memba bilong gavman na yu bin tingting planti long go bek long ileksen long winim bek sia bilong yu, bai yu nidim wanem samting tru?

Em bai yu nidim mani long kirapim ol projek na amamasim ol pipel yu laikim bai ol i mas votim yu bek gen long palamen.

Nau we ai bilong yumi olgeta i pas long kot bilong Praim Minista Se Michael Somare, em i gutpela taim tru long traim kamapim narapela samting long ples hait.

Bikpela nius i bruk dispela wik olsem praim minista Se Michael Somare i bin makim bek Patrick Pruaitch long wanpela bikpela posisen klostu long em long kabinet.

Yumi olgeta i save olsem Pruaitch em suprim kot yet i bin tokim em long lusim wok bilong em bikos i gat lidasip kot i kamap long em.

Watpo bai praim minista i givim gen wok long em.

I gat narapela as long laikim Pruaitch i mas go bek long givim stia tok long PM?

Sapos i tru olsem PM i mekim dispela, i mas i gat as long em i strong long stap holim opis yet, laka?

Em i tingting bilong yumi ol liklik manmeri olsem ol bikman lida bilong yumi i gat planti save tumas long paulim wok na ai bilong publik.

Long wanpela sait, bai ol i kirapim das na mekim bikpela belkros, o kirapim trabel long pulim ai bilong kamera na nius midia.

Na taim dispela i kamap, bai ol i traim pulim o suvim narapela samting long hapsait i go insait long strongim sindaun bilong ol yet.

I mobeta yumi tanim ai i go long paus mani bilong yumi ol pipel.

Sapos man husat i bin bosim wok na haus mani bilong gavman i sanap kot long asua long wok lida em i mekim, i no gutpela long em i kam bek gen insait long wok publik sevis taim lidasip kot bilong em i stap yet.

Yumi mas banisim gut paus mani bilong kantri, na save long hamas tras akaun olgeta i stap na hamas mani i stap insait long wan wan.

Noken tru larim ol stil man i go bek long holim dispela paus mani.

Sapos ol lida i holim mani, bai ol ileksen i no inap ron gut.

## WANTOK

Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea

Telephone: (675) 325 2500

Fax: (675) 325 2579

Email: [editorial@wantok.com.pg](mailto:editorial@wantok.com.pg)

Pe bilong wanpela yia 52 niuspepa

<b>Ples:</b>	<b>Air:</b>
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager Elizabeth Konga

Editor Neville Choi

Published at Section 58, Allotment 3 Office 2, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.



# Saplimen - Olgeta samting ol i wokim long PNG taso!



## Trukai Industries strong yet long PNG

TRUKAI Industries Limited i save wok strong long givim gutpela kwaliti rais prodak i go long ol pipel bilong Papua Niugini insait long moa long 40 yia.

Distribusen o ples we ol i save kisim na salim rais i gro bikpela na i karamapim 12-pela bikpela teminol insait long kantri. Olgeta wok operesin bilong kampani i karamapim ples bilong wokim rais o rais mil, na dispela i putim Trukai insait long wanpela posisen we i givim wok long moa long 1000 manmeri bilong Papua Niugini.

I no long taim i go pinis, Trukai i mekim wok bilong en i go bikpela na kampani i kamapim agrikalisa divisen bilong en we i lukluk long lukautim ol bulmakau na groim kon.

Trukai i save go pas tru long sapatim Spots insait long kantri na i save sponsa long ol progrem stat long yut spots developmen na ol spots klab na i go moa long ol bikpela fan-reising wok long sait long spots olsem Trukai Fan Ran. Trukai i bin stap olsem sponsa bilong Fan Ran long 12-pela yia



nau na ol fan reising wok bilong en i salim planti ol spots manmeri na tim i go long planti ol intanesenel kompetisen.

Trukai long nau yet i save 4-pela kain bren rais insait long

kantri na ol i karim "PNG Made" logo o mak olsem ol i wokim long PNG. Ol dispela rais bren em Trukai rais, Roots rais, Natural Brown rais na Jasmine rais.

I no long taim i go pinis, Trukai

i lonsim gen, Jasmine Rais na Natural Brown Rais i kam insait long maket. Dispela ol nupela na gutpela moa prodak i givim ol lain bilong baim na kaikai rais gutpela kwaliti tru na dispela i kam gut tru wantaim Trukai bren.

Trukai rais i save kam long ol gutpela lain groas husat i save bihainim strongpela intanesenel fud regulesin o strongpela lo long sait long kwaliti long taim ol i kisim long gaden na groa stendet. Rais i save go gen long fektori long Papua Niugini na i go wantaim stendet na regulesin o lo i stap aninit long PNG Pure Foods Act.

Trukai i bilip long go stret wantaim ol intanesenel stendet long sait bilong redim ol kaikai na kwaliti na i bin stap insait long HACCP (Hazard Analysis and Critical Control Points) we i givim setifiket long May 2006. HACCP em wanpela system we i luksave, glasim gut na kontrolim wanem ol hevi we i stap long sait bilong fud sefti, na ol i save yusim stendet long planti hap long wol o intanesenel hap long toksave olsem ol kaikai o fud i seif long kaikai.

I no long taim i go pinis, Trukai i bin kisim AIB (American Institute of Bakers) mak na em wanpela kampani taso long PNG long kisim kain bikpela namba olsem. AIB namba o mak em wanpela intanesenel stendet ol milling kampani insait long wol save yusim.

AIB em wanpela intanesenel ogenaisesen we i save glasim ol fud saplai lain long skelim ol stendet bilong ol bihain long fud sefti sekap o inspeksin, odit na setifikesin. Trukai i bin go insait long wanpela 2-de odit e mol AIB inspekta i bin karimaut we ol i skelim wanpela ol grein, fud sefti na rot bilong wok long kamap wantaim AIB mak.

Trukai i kisim mak inap long mas long go insait long kisim mak na dispela i kamap bihain long hat-wok em ol wokman meri bilong Trukai i putim.

Trukai i amamas tru long stap olsem "PNG MADE" na i askim olgeta lain long Papua Niugini long sapatim ol prodak we ol i wokim long PNG. Wokim moa prodak long kantri bai givim moa wok long ol pipel long hia.



## TRUKAI INDUSTRIES *Limited*

Trukai emi nambawan kaikai bilong PNG. Mipela ibin mekim kwaliti rais bilong yumi ol manmeri bilong PNG igo inap 40-pela yia nau. Olgeta rais mipela save mekim emi gutpela tru na stap ananit long intanesinol loa bilong mekim ol kaikai

Na tu mipela save sapatim ol wok didman projekts na ol kainkain spots insait long kantri. Sapos yu baim ol PNG Made Products, bai yu sapatim investmen igo bek insait long kantri.



- ✓ 100% Medium grain rice
- ✓ Rich source of carbohydrates



- ✓ Vitamin Enriched
- ✓ Protein source



- ✓ 100% Thai long grain Jasmine rice
- ✓ No artificial enhancers/additives



- ✓ 100% Whole grain brown rice
- ✓ Excellent source of dietary fibre



### "Rais bilong yumi"



### 40 FOR YEARS



# Saplimen - Olgeta samting ol i wokim long PNG taso!



Fran long fektori long Madang



Fektori



Lebling bilong Globe tinmit



Insait long peking eria long fektori

# Raun wantaim Kanage olgeta wik



## Pasim meri pikinini

TAIM bilong ileksen na ol kainkain kendidet i go kempen long ples bilong Kanage. Kanage pinis long gaden na wokabaut i kam daun long rot na lukim planti kar i ron wantaim ol manmeri antap na singaut wantaim i go long ples. Taim Kanage i wokabaut i kam, wanpela kendidet i singaut long Kanage, hei paps, inap yu pasim meri pikinini bilong yu na givim long mi. Em i min long pasim vot na givim long em. Tasol lapun Kanage i bel kaskas na tokim kendidet ya 'Yu yet pasim bilong yu na givim i kam na bai vot i go long yu'

**Mambu**  
*Wantok Bilong Yu Yet*

## Inglis em yu ya

SIPI em wanpela lapun man na em i no skul long bipo. Tasol oltaim em laik tok inglis. Olsem na taim em i raun na harim ol manmeri i tok inglis, em save lokim tasol long het na stap. Wanpela taim em sindaun wantaim Kanage na pikinini bilong em i bik het. Kanage tokim pikinini long stap isi tasol pikinini tanim na bikmaus long Kanage. Sipi bel hat olgeta na singaut long tok inglis, "Hey Son! Don't you off the maus to your father. I you father grow you big!" Kanage i laik paitim pikinini bilong



em tasol isi em lusim em i go na lap dai stret long toktok bilong Sipi.

**J Baiwara**  
*Mosbi*

## "I come from the stua"

WANPELA moning Kanage i go baim tinpis long stua na wokabaut i kam bek na bungim wanpela waitman long rot. Waitman i kirap na tok moning long Kanage. Waitman ya askim Kanage, "Where did you come from?" Kanage i bekim, "I come from the stua". Waitman askim gen, "What did you do there?" Stail Kanage bekim, "To bought a tinpis". Waitman askim gen, "What are you going to do with that tinpis?" Kanage bekim las wan, "Jas to eat an-gens the rais!"

**LT**  
*Kavieng*

## Kidim feelings

PAPAS Kanage em bilong Suon ples long Erap, Morobe Provins. Wanpela taim ol lain bilong em long Kimbe salim tok long em long kam raun lukim ol. Kanage i go kisim ol lip

brus bilong em long gaden na pasim ol redi long go long Kimbe. Lapun Kanage kalap long sip na i go long Kimbe. Wanpela de, lapun Kanage kisim ol lip brus bilong em na i go long maket long salim. Long maket, lapun Kanage lukim wanpela yangpela meri. Lapun Kanage trai lek na wok long wokim ai long meri i stap. Meri ya i no bisi long Kanage na em wokabout i go. Kanage wokabout hariap i go long baksait bilong meri ya na holim han bilong em. Meri ya kirap nogut na tok inglis: 'Hey, what's wrong with you?' Papa Kanage bekim tasol olsem: 'I jus akism yu bilong kidim feelings!' meri ya kros na tok: 'Plis, I am not your partner'. Taim lapun Kanage harim dispela toktok, papa ya paul olgeta na tok: 'That's olrait. I just want to be your pren for nau tasol'. Bekim bilong Kanage wokim na ol man meri long maket holim bel tasol na kaikai pinga.

**Yabi Nain**

**Ol skwat!**  
Salim ol gutpela Kanage tok pilai i kam long:  
Kanage Tok Pilai  
P.O. Box 1982,  
Boroko, NCD  
Port Moresby.  
Email: atolire@wantok.com.pg

# Marit bagarap bikos mi nogat pikinini

**Dia Laiplain,**  
**MI NA man bilong mi i marit long sampela yia nau na mipela i nogat gutpela sans long karim pikinini.**  
**Mitupela i amamas long marit bilong mitupela, na man bilong mi i gat gutpela wok. Em save givim mi mani olgeta potnait.**  
**Tasol em i stop long givim mi mani na mi save long as bilong dispela. Em bikos mi no inap karim pikinini.**  
**Mi tupela i sindaun na toktok wantaim long dispela na go lukim dokta husat i mekim ol tes long helt bilong mipela, tasol em i tok nogat wanpela samting i rong.**  
**Dispela i kamap sampela yia i go pinis na mi stap yet wantaim nogat pikinini.**  
**Mi wari tru long pasin man bilong mi i mekim long mi na mi laik lusim em na maritim narapela man.**  
**Mi paul na mi no save long wanem samting stret long mekim.**  
**Inap Laiplain i helpim mi long painim wanpela bekim long mekim man bilong mi laikim mi, maski mi no inap karim pikinini?**  
**Nogat pikinini.**



Hevi bilong yu i wankain long planti arapela hevi bilong ol marit lain bilong tude.

Sampela lain i save marit na i laik gat famili long rait wei. Ol narapela i laik wetim sampela yia bipo ol i kamapim famili o lukautim pikinini bilong narapela.

I gat planti as long watpo yu na man bilong yu i nogat gutpela sans long karim pikinini.

Nogut yu tupela i no slip wantaim long rait taim we bodi bilong yu inap long mekim kiau. Mipela i laik save wanem kain tes yu na man bilong yu i kisim taim yupela i go lukim dokta.

Mipela laik strongim yu tupela long go lukim famili plening klinik klostu long yupela.

Ol nes na dokta husat i gat gutpela trening bai mekim gutpela tes na i ken helpim yupela moa.

Mipela i laik tokim yupela long narapela tingting we yupela i ken traim. Inap yu tok aut long pilings bilong yu wantaim man bilong yu na mekim em i save gut olsem yu laik karim bebi. Tasol sapos dispela i no inap, yupela i ken

traim ol narapela rot long kisim pikinini. Kain olsem lukautim pikinini bilong wanpela famili memba o lukautim pikinini bilong narapela lain.

Yu ken amamasim marit laip maski yu gat pikinini o nogat. Marit laip i mas gat bikpela laik, tras, rispek na gutpela tingting long wanpela narapela. Wanpela gutpela wei long kisim strong em long lukim pasto bilong yu tupela.

Mipela i strongim yu tupela long toktok wantaim wanpela famili kaunsela o wanpela marit lain husat i marit longpela taim liklik- lain we yu tupela i trastim ol na i ken helpim yutupela long abrusim moa wari.

**Pren bilong yu Laiplain,**

**Sapos yu gat wari o hevi, rait i kam long dispela etres: Life-line Counselling Services, P O box 6047, BOROKO, National Capital District, PNG. Yu ken ringim opis long telepon namba 3260011 o 3261680. O sapos yu stap long NCD, kam na lukim mipela long opis bilong mipela long Waigani. Mipela i no inap putim trupela nem bilong yu long niuspepa, tasol mipela bai putim ol wari na hevi bilong yu. Laiplain**

- NEM:** Ludwig Hesai
- KRISMAS:** 21 (man)
- ADRES:** Kilipau village, P.O. Box 96, Vanimo, Sandaun Provins
- SAVE LAIKIM:** Senisim Presen, pilai soka, harim musik na raitim pas.
  
- NEM:** Benjamin A. Wep
- KRISMAS:** 20 (man)
- ADRES:** Kilipau Village, P.O Box 96, Vanimo, Sandaun Provins
- SAVE LAIKIM:** Pilai soka, voli bol, senisim presen na painim wanpela meri long maritim.
  
- NEM:** Patrick Gisiye
- KRISMAS:** 20 (man)
- ADRES:** New Century Wholesale, P.O.Box 218, Kiunga Western Provins
- SAVE LAIKIM:** Pilai soka, mekim pren, raitim pas, go lotu na senisim presen.
  
- NEM:** Benuel Kapamai
- KRISMAS:** 18 (man)
- ADRES:** P.O. Box 2901, Lae
- SAVE LAIKIM:** Pilai soka, volibol, pilai gita, harim musik, ritim buk na go lotu
  
- NEM:** Bainy Wou
- KRISMAS:** 20 (man)
- ADRES:** Kilipau Village, PO Box 96, Vanimo Sandaun Provins
- SAVE LAIKIM:** Raitim pas, senisim presen, pilai soka, volibol na painim wanpela meri long maritim.
  
- NEM:** Benny Wagu
- KRISMAS:** 18 (man)
- ADRES:** Kilipau Village, P.O.Box 96 Vanimo Sandaun Provins
- SAVE LAIKIM:** Senisim presen, raitim pas, pilai soka, volibol na harim musik
  
- NEM:** Terence Mathew
- KRISMAS:** 16 (man)
- ADRES:** Ohu Primary School, PO Box 169, Madang511, Madang Provins
- SAVE LAIKIM:** Go skul, harim musik, go Lotu, raitim pas na mekim pren
  
- NEM:** Tenny Paul
- KRISMAS:** 19 (man)
- ADRES:** Komabea Primary school, PO Box 220, Kerema, Gulf Provins
- SAVE LAIKIM:** Pilai spot olsem volibol, soka na basketbol, harim musik, ritim niuspepa na wok
  
- NEM:** Jamie Awe
- KRISMAS:** 29 (man)
- ADRES:** C/Hargy Oil Palms, PO Box 21 Bialla, West New Britain Provins
- SAVE LAIKIM:** Lukim rugby, mekim poroman wantaim ol arapela na painim wanpela lotu meri bilong maritim
  
- NEM:** Atasing Bafike
- KRISMAS:** 27 (man)
- ADRES:** Bumbum Primary School, PO Box 4588, Morobe Provins
- SAVE LAIKIM:** Harim musik, pilai soka, watsim TV na pilai kompyuta gem



Program bilong Wanwan De

**De - Mande - Fraide**

6am - 10am - Sankamap show - Host: Kas. T  
 6:00am - Major Nius Bulletin  
 6:15am - Komuniti Notis Bod  
 6:25am - Taim Bifo - wanpela singsing b'long bifo.  
 6:30am - Nius Hetlains  
 6:45am - Bonde grifins  
 7:00am - Major Nius Bulletin - YUMIFM Nius Senta  
 7:05am - YU TOK - komiuniti awenes program  
 7:15am - WAN 4 DA ROAD - Hit Prediction - niupela singsing  
 7:30am - Tok Pilai - stori b'long putim smail long nus pes.  
 8:00am - Major Nius Bulletin - YUMIFM Nius Senta  
 8:05am - YU TOK - komiuniti awenes program  
 8:15am - "Papa Heni Fuku Show".  
 9:00am - Nius Bulletin - YUMIFM Nius Senta  
 9:15am - Luksave long komiuniti (Redio Pilai) Fraidei

Tasol  
 9:30am - Final aua cruz  
 10am - 3pm - Morin Trek na Belo Pack - Host: Mummy DASH  
 10:00am - Major Nius Bulletin - YUMIFM Nius Senta  
 10:05am - YU TOK - komiuniti awenes program  
 10:15am - Kona b'long yu.  
 10:45am - YUMI PANIM WOK Segment  
 11:00am - Nius - YUMIFM Nius Senta  
 11:05am - YU TOK - komiuniti awenes program  
 11:10am - Lukautim yu yet - Helt toktok  
 11:30am - Nius Hetlains b'long Belo Taim - Laik b'long yu - Niupela singsing previu  
 12:00pm - Major Nius Bulletin - YUMIFM Nius Senta  
 12:05pm - YU TOK - komiuniti awenes program  
 12:10pm - BELO Pack - Belo taim rekwas na dedikesen  
 12:15pm - Komuniti Notis Bod  
 12:20pm - BELO Pack - Belo taim rekwas na dedikesen  
 1:00pm - Nius - YUMIFM Nius Senta  
 1:05pm - YU TOK - komiuniti awenes program  
 1:10pm - BELO Pack - Belo taim rekwas na dedikesen

2:00pm - Major Nius Bulletin - YUMIFM Nius  
 2:05pm - YU TOK - komiuniti awenes program  
 2:45pm - YUMI PANIM WOK Segment  
 3pm - 7pm - Avinun Draiv Taim - Host: Vaviessie  
 3:00pm - Nius - YUMIFM Nius Senta  
 3:05pm - YU TOK - komiuniti awenes program  
 3:10pm - Avinun cruz  
 4:00pm - Nius - YUMIFM Senta  
 4:05pm - YU TOK - komiuniti awenes program  
 4:10pm - FOAPELA KAM GUD LONG 4 - foapela singsing  
 4:30pm - Nius Hetlains  
 4:45pm - YUMI PANIM WOK Segment  
 5:00pm - Major Nius Hetlains - YUMIFM Nius Senta  
 5:05pm - YU TOK - komiuniti awenes program  
 5:10pm - 6:00pm - KULCHA Musik (1 hr) skelim lokal musik 6pm - 7pm  
 - NAIT BEAT - Host: Vaviessie  
 6:00pm - MAJOR NIUS BULLETIN - YUMIFM NIUS SENTA  
 6:05pm - YU TOK - komiuniti awenes program

6:10pm - 7:00pm Mon kamap sho  
 6:45pm - Komuniti Notis Bod  
 7:00pm - 9:00pm - COCA COLA GARAMUT - Host: Angra Kennedy  
 7:00pm - Nius - YUMIFM NIUS SENTA  
 7:05pm - YU TOK - komiuniti awenes program  
 9:00pm - 00am - Nait Beat - Isi Cruz long nait  
 00am - 6am - BRUKIM TULAIT SHOW - Host: Tuluvan Vitz/Talaigu Sopi/Bata Rat  
 00:00 - Early Monin Taim Cruz (ol lain brukim tulait shift)  
 - Musik / Request / Tok pilai  
 - Kipim Kampani long ol nait shift.  
**Wikens - Sarere**  
 6am - 10:00am - Wiken Sanrais Host: Talaigu Sopi  
 7am - 9am - Sarere Monin Cruz  
 9am - 11am - Monin Treks  
 11am - 1pm - National Weekly Hit Parade - Host: Kasty - 1st aua NWHP  
 12:00pm Nius - YUMIFM Nius Senta  
 12pm - 1pm - 2nd aua NWHP

Sarere belo cruz - Host: Tuluvan Vitz  
 1pm - 2pm - Sarere Belo Taim Dedikesen  
 2:00pm Nius - YUMIFM Nius Senta  
 2pm - 6pm - Sarere Avinun Cruz  
 6:00pm Nius - YUMIFM Nius Senta  
 6pm - 00:00am - Nait beat  
 7pm - 9pm - Coca Cola Garamut  
 9pm - 00:00am - Nait cruz  
 00:00am - 6am - Brukim Tulait Show  
**Wiken - Sandei**  
 6am - 10am - Wiken Sanrais / Sandei Monin wokabout Musik  
 - Monin Treks  
 10am - 12noon Nius - YUMIFM Nius Senta  
 12noon - Sandei Belo Taim Music  
 12 - 2pm Nius - YUMIFM Nius Senta  
 2:00pm - Sandei Avinun Draiv Musik  
 2pm - 6pm - Nius - YUMIFM Nius Senta  
 6pm - 8pm - GOSPEL REKWES AUA  
 8pm - 00:00am - Late Nait Cruz - Poroman Aua  
 00:00am - 6am - Brukim Tulait Show  
**Program Director - YUMIFM - Kasty**

**RADIO AUSTRALIA TOK PISIN PROGRAM HARIM LONG: 101.9 FM**

6AM Stesen Op - Nius Hetlain - Musik na ol intaviu  
 6.30AM Nius na Karent Afes  
 7AM Stesen Pas  
 7PM Stesen Op  
 7.01PM Ol Hetlain na Program Priviu  
 7.15PM Spots  
 7.30PM Nius na Karen Afecas  
 8PM Helt  
 8.15PM Musik  
 8.30PM NIUS  
 8.40PM Spots Riplei  
 8.55PM Musik  
 9PM Stesen Pas

**TUNDE - Moning - Nait**  
 6AM Stesen Op - Nius Hetlain - Musik na ol intaviu  
 6.30AM Nius na Karent Afes  
 7AM Stesen Pas  
 7PM Stesen Op  
 7.01PM Ol Hetlain na Program Priviu  
 7.15PM Musik na Chit-Chat  
 7.30PM Nius na Karen Afecas  
 8PM Mama Graun  
 8.15PM Musik/Spots  
 8.30PM NIUS  
 8.40PM Helt Riplei  
 8.55PM Musik  
 9PM Stesen Pas

**TRINDE - Moning - Nait**  
 6AM Stesen Op - Nius Hetlain - Musik na ol intaviu  
 6.30AM Nius na Karent Afes  
 7AM Stesen Pas  
 7PM Stesen Op  
 7.01PM Ol Hetlain na Program Priviu  
 7.15PM Musik na Chit-Chat  
 7.30PM Nius na Karen Afecas  
 8PM Focus  
 8.15PM Musik/Spots  
 8.30PM NIUS  
 8.40PM Mama Graun Riplei  
 8.55PM Musik  
 9PM Stesen Pas

**FONDE - Moning - Nait**  
 6AM Stesen Op - Nius Hetlain - Musik na ol intaviu  
 6.30AM Nius na Karent Afes  
 7AM Stesen Pas  
 7PM Stesen Op  
 7.01PM Ol Hetlain na Program Priviu  
 7.15PM Musik na Chit-Chat  
 7.30PM Nius na Karen Afecas  
 8PM Youth  
 8.15PM Musik/Spots  
 8.30PM NIUS  
 8.40PM Focus Riplei  
 8.55PM Musik  
 9PM Stesen Pas

**FRAIDE - Moning - Nait**  
 6AM Stesen Op - Nius Hetlain - Musik na ol intaviu  
 6.30AM Nius na Karent Afes  
 7AM Stesen Pas  
 7PM Stesen Op  
 7.01PM Ol Hetlain na Program Priviu  
 7.15PM Musik na Chit-Chat  
 7.30PM Nius na Karen Afecas  
 8PM Wantok  
 8.15PM Musik  
 8.30PM NIUS  
 8.40PM Youth Riplei  
 8.55PM Musik  
 9PM Stesen Pas

**SARERE - Nait**  
 7PM Stesen op - Ol Nius Hetlain/Program Priviu  
 7.05PM Musik na Chit Chat  
 7.30PM Nius  
 7.40PM Wantok  
 8PM Lokal Ben  
 8.30PM Nius  
 8.40PM Musik/Chit Chat  
 9PM Stesen Pas

**SANDE - Nait**  
 7PM Stesen op - Ol Nius Hetlain/Program Priviu  
 7.05PM Musik na Chit Chat  
 7.30PM Nius  
 7.40PM Femili Blong Serah (Redio Plei)  
 8PM Lukluk Bek Long Wik  
 8.30PM Nius  
 8.40PM Musik/Chit Chat  
 9PM Stesen Pas

*Raun wantaim Wantok kru ...*  
**Haus piksa bai kam bek long Mosbi**

**OL FAMILI insait long NCD bai amamas gen taim dispela nupela na bikpela ples bilong lukim ol piksa o muvi bai op gen.**  
 Dispela ples bilong lukim muvi bai stap long Vision City stoa long Waigani long namba 3 floa, dispela ples bai gat 3 pela hap olgeta. Long namba wan hap, em ken kisim 210 manmeri na pikinini, namba 2 hap ples bai kisim 180 manmeri na pikinini

na namba 3 hap ples bai kisim ol VIP o bikmanmeri.  
 Dispela sinama o ples bilong muvi em CPL grup, PNGFM na Damodar grup bilong Fiji i wok bung wantaim long kamapim.  
 Siaman bilong CPL grup Mahesh Patel i tok dispela sinama bai olgeta samting insait bai digital o komputa tasol bai wok long en.

Em tok tu olsem, ol manmeri i stat wok long lainim wanem samting bilong mekim long taim bilong lukim muvi o piksa long ol dispela nupela masin.  
 Dispela sinama o ples bilong muvi bai op sampela taim namel long yia na dispela bai mekim ol famli bai amamas long lukim bikpela skrin we sais bilong em 8.5 mita heit.



Maggie Raiwong , projek menesa bilong Paradise Cinemas wantaim menesa bilong PNGFM, Adrian Au, na siaman bilong CPL grup, Mahesh Patel i sanap klostu long wanela posta bilong wanela filim ol bai soim.

**93FM YUMIFM National Weekly Hit Parade:**  
 Produced & Host by: Kasty  
 Statisties: Talaigu Sophie & Poroman Crew  
 Week Ending: Saturday - 26th March 2011

Week Before	Last Week	This Week	Charting Song:	Artist:
1	1	1(4)	Queen of Karanas	Jnr Tasias
2	2	2	Merl Marobe	Logie Crew
3	3	3	Girl you	Jokema ft Ugly B & Fat G
4	4	4	MR Lewa	Silahakalaku
5	5	5	Parasite Angel	Texas Allen ft Larry Ori
6	6	6	Finch Medley	Iden.TT
7	7	7	Dance with you	Iden.TT
8	8	8	Dreaming Girl	Backyards of Yangorn
9	9	9	Jamace	Seths Mahu ft Eljay
10	10	10	Virgin Flower	Bob Matuwal
11	11	11	Please Call	Original Ex Vevili Jnr
12	12	12	Burnt Kim Lewa	Sud n Burst
13	13	13	Boi Man	Roxville
14	14	14	Sim Card	Saul Langa
15	15	15	Invisible Love	Jay West
16	16	16	South Pacific Beauty	Akay 47 ft Hanley Logosa
17	17	17	Yuri	Mogai
18	18	18	Ae Ego Duga	Pusiwa Boys
19	19	19	Meng	Uksobat Band
20	20	20	Empty Promise	Snippers Band ft DJ AAR
			Song In:	Meng
				Uksobats Band
			Song Out:	Empty Promise
				Snipper Band ft DJ AAR
				Junior Kasy Toby
				Spectators of Gordons

**EMTV Television Guide**

**FONDE, MAS 24 2011**  
 5.00AM G JOYCE MEYER Religious Program  
 5.30AM G TODAY  
 11.00AM AUSTRALIA NETWORK STATION OPEN  
**KIDS KONA**  
 3.00PM G MAGICAL TALES  
 3.30PM G HI-5  
 4.00PM G THE PYRAMID  
 4.30PM G THE SHAK  
 5.29PM G EMTV NEWS UPDATE  
 5.30PM G MILLIONAIRE HOT SEAT  
 6:00PM G NATIONAL EMTV NEWS  
 6.30PM G A CURRENT AFFAIR  
 7.00PM G SPORTS SCENE (2011 Return)  
 7.30PM PG RAIT MUSIK  
 7.27PM G EMTV TOK SAVE  
 7.30PM G BORDER DEVELOPMENT AUTHORITY DOCUMENTARY (repeat)  
 8.00PM G RAIT MUSIK

special time)  
 9.00PM PG ELITE MUSIC ZONE (special time)  
 9.30PM M FOOTY SHOW  
 10.30PM G NEWS REPLAY  
 11.00PM AUSTRALIA NETWORK  
**FRAIDE, MAS 25 2011**  
 5.00AM G JOYCE MEYER Religious Program  
 5.30AM G TODAY  
 11.00AM AUSTRALIA NETWORK STATION OPEN  
**KIDS KONA**  
 3.00PM G MAGICAL TALES  
 3.30PM G HI-5  
 4.57PM EMTV TOK SAVE  
 5.00PM G HOT SOURCE  
 5.29PM G EMTV NEWS UPDATE  
 5.30PM G MILLIONAIRE HOT SEAT  
 5.55PM G CRIME STOPPERS  
 6:00PM G NATIONAL EMTV NEWS  
 6.30PM G A CURRENT AFFAIR  
 7.00PM G IN MORESBY TONIGHT  
 7.27PM EMTV TOK SAVE  
 7.30PM G NIGHT FOOTBALL Eels vs. Rabbitohs  
 9.30PM G FRIDAY NIGHT LATE  
**FOOTBALL:** Titans vs. Broncos  
 10.40PM G EMTV NEWS REPLAY  
 12.20PM AUSTRALIA NETWORK

4.57PM EMTV TOK SAVE  
 5.00PM G HOT SOURCE  
 5.29PM G EMTV NEWS UPDATE  
 5.30PM G MILLIONAIRE HOT SEAT  
 5.55PM G CRIME STOPPERS  
 6.00PM G NATIONAL EMTV NEWS  
 6.30PM G A CURRENT AFFAIR  
 7.00PM G IN MORESBY TONIGHT  
 7.27PM EMTV TOK SAVE  
 7.30PM G NIGHT FOOTBALL Eels vs. Rabbitohs  
 9.30PM G FRIDAY NIGHT LATE  
**FOOTBALL:** Titans vs. Broncos  
 10.40PM G EMTV NEWS REPLAY  
 12.20PM AUSTRALIA NETWORK

Reds vs. Cheetahs  
 3.40PM G JAPAN VIDEO TOPICS  
 4.00PM G SUPER LEAGUE: Wigan Warriors vs. Warrington Wolves  
 6:00PM G NATIONAL EMTV NEWS  
 6.30PM PG AUSTRALIA'S FUNNIEST HOME VIDEO SHOW  
 7.30PM G IN MORESBY TONIGHT  
 8.00PM G SUPER RUGBY Chiefs vs. Blues, from Hamilton  
 10.00PM G WWE AFTERBURN  
 11.00PM PG ELITE MUSIC ZONE  
 11.30PM G NATIONAL EMTV NEWS REPLAY  
 12.00AM AUSTRALIAN NETWORK

from Pretoria  
**AUSTRALIA NETWORK**  
 1.00PM G WWORLD OF SPORTS  
 2.00PM PG SUNDAY FOOTY SHOW  
 3.00PM PG SUNDAY ROAST  
 4.00PM PG SUNDAY FOOTBALL Sea Eagles vs. Knights  
 6.00PM G NATIONAL EMTV NEWS  
 6.30PM G LOVE PATROL  
 7.00PM G MOROBE MINING  
*A documentary highlighting the mining developments taking place in Morobe Province.*  
 7.30PM G 60 MINUTES  
 8.30PM PG SUNDAY MOVIE: THE PINK PANTHER - (2006) Comedy - When a world-famous soccer coach is murdered and his priceless Pink Panther diamond ring stolen, only France's greatest detective can solve the case. Unfortunately, he wasn't available, so inspector Jacques Clouseau, a bumbling French sleuth, is assigned to catch the assassins. Stars: Steve Martin, Beyonce Knowles, Kevin Kline and Jean Reno.

**SARERE, MAS 26 2010**  
 5.00AM.....AUSTRALIA NETWORK.....  
 11.39AM STATION OPEN  
 11.40AM G SUPER RUGBY Rebels vs. Hurricanes from Melbourne  
 1.40PM G SUPER RUGBY (Live)

**SARERE, MAS 26 2010**  
 5.00AM.....AUSTRALIA NETWORK.....  
 11.39AM STATION OPEN  
 11.40AM G SUPER RUGBY Rebels vs. Hurricanes from Melbourne  
 1.40PM G SUPER RUGBY (Live)

**SARERE, MAS 26 2010**  
 5.00AM.....AUSTRALIA NETWORK.....  
 11.39AM STATION OPEN  
 11.40AM G SUPER RUGBY Rebels vs. Hurricanes from Melbourne  
 1.40PM G SUPER RUGBY (Live)

**SANDE, MAS 27 2011**  
 6.29AM STATION OPEN  
 6.30AM G IT IS WRITTEN  
 7.00AM G HILLSONG  
 7.30AM G SUPER RUGBY Bulls vs. Lions,



TORO

FORO



BIABIA



KANAGE



TOKWIN

Taim long Chif i malolo O?

PM i kisim 13pela sas long 25pela sas Ombudsmen i bin givim. 5-pela sas em, i no hariap long givimol riten na 8-pela sas em, i givim ol anuel stetmen long komisin hariap we i stap ananit long lidasip koud. Tasol ol rausim olgeta we traibunal i skelim i no hevi tumas long sasimem. Tude bai kot i givim em mekimsave long ol dispela sas tasol yumi no save, chif bai malolo o go bek long sia bilong em yet. Chif yah, hau bai yu save!??

Libya o Iraq?

Woa long Libya i kamap bikos lida bilong ol, Gadafi les long ri-sain olsem presiden taim ol pipol bilong em i laik em mas ri-sain na nupela blut mas ronim kantri. Em tu strongpela het olsem Saddam Husein husat i kirapim bikipela woa wantaim Amerika hamas yia i go pinis. Nogut yumi harim wankain hevi bai kamap long Libya na ol Amerika soldia bai go painim Presiden bilong Libya long wanpela hul we em i hait i stap?

Kaikai pipia kaikai long Golden Bowl Restron...

Husat em dispela man i spak nogut tru na toktok planti long

bung bilong ol Media Pool komiti long Golden Bowl Restron tupela wik i go pinis? Ol arapela komiti wok long tokim em long sindaun na pasim maus liklik na ol arapela i ken toktok. Boi nogut em kaikai pinis long belo yet tasol nogat, em lukim tekewe plet kaikai we AS i kaikai pinis na lusim ol pipia bun bilong kakaruk long tebol na bagaros go na mekimsave long kaikai ol bun istap. Bihain em silip pulim win long hap tasol..Papa Heni Fuka mas paulim tingting bilong em pinis!! HahahaYaak!!!

Tokwin Tasol!

Word search grid with letters B, U, K, A, I, T, P, O, T, M, O, S, B, I, C, T, K, G, H, U, I, R, E, X, S, A, D, U, Y, I, M, N, O, A, L, E, G, A, B, A, W, E, S, A, M, E, R, E, K, E, V, A, W, E, T, U, I, L, O, P, N, M, S, A, N, G, R, I, E, M, A, D, A, N, G, N, E, V, C, H, O, D, R, T, E, K, A, K, I, A, V, B, N, A, M, W, N, E, I, R, E, N, R, E, B, N, O, X, E, W, B, H, E, U, I, L, R, E, G, A, L, O, T, A, U, A, E, R, G, W, B, N, M, A, S, A, W, E, R, T, Y, I, K, O, A, H, A, D, C, O, K, I, D, A, S, T, R, D, B, O, H, Y, C, K, H, I, P, O, K, A, E, E, W, N, S, A, N, G, R, I, L, A, E, L, R, O, R, B, I, U, C, K, E, L, V, A, N, I, M, O, K, O, L, U, M, K, E, N, T, F, A, R, M, E, S, U, Y, N, G, J, I, I, U, P, N, E, T, I, O, N, M, B, C, Z, E, S, E, D, K, S, U, S, E, P, O, P, O, N, D, E, T, A, I, D, E, W, A, L, L, A, R, O, F, C, I, D, R, O, N, M, Y, J, M, A, L, U, A, B, A, R, A, U, A, G, N, E, R, O, L

Table with 4 columns: KAVIENG, LORENGAU, RABAU, KIMBE; BUKA, LAE, ALOTAU, DARU; POPONDETA, WEWAK, VANIMO, GOROKA; KEREMA, MENDI, WABAG, MADANG; KUNDIAWA, MAUNTEN HAGENPOT, MOSBI

9x9 grid for a crossword puzzle.

9x9 grid for a crossword puzzle.

15x15 grid for a crossword puzzle.

Ansa bilong las wik Pasol

Ansa bilong las wik Sudoku

EMTV Television Guide

Table with columns for time, channel, and program name. Includes programs like HILLSONG, NATIONAL EMTV NEWS REPLAY, AUSTRALIA NETWORK, JOYCE MEYER, TODAY, DEPARTMENT OF EDUCATION CLASSROOM BROADCAST, AUSTRALIA NETWORK, TOK PIKSA, EMTV TOK SAVE, VOU, MONDAY NIGHT FOOTBALL, A CURRENT AFFAIR, NATIONAL EMTV NEWS REPLAY, AUSTRALIA NETWORK, HI-5, THE PYRAMID, THE SHAK, EMTV NEWS UPDATE, MILLIONAIRE, HOT SEAT, NATIONAL EMTV NEWS, A CURRENT AFFAIR, HAUS & HOME, EMTV TOK SAVE, RPA: Where Are They Now?, SUPER LEAGUE, HULL KR v HUDDERSFIELD GIANTS HIGHLIGHTS, EMTV NEWS REPLAY, AUSTRALIA NETWORK, EDUCATION CLASSROOM BROADCAST, STATION OPEN, KIDS KONA, EMTV TOK SAVE, MILLIONAIRE HOT SEAT, CRIME STOPPERS, NATIONAL EMTV NEWS, THE WORLD AROUND US - Heath Ledger: A Tribute Biography, EMTV TOK SAVE, THE FARMER WANTS A WIFE, WEDNESDAY NIGHT MOVIE, EIGHT LEGGED FREAKS.

Ol Progam na Kilok i ken senis...

# Porgera amamasim kamap bilong BSP

**PORGERA** lokol na bisnis komyuniti i amamasim kamap bilong nupela BSP brens long las wik Fraide.

Kamap bilong em i bihainim 10-pela yia we em i no bin kamap long em bikos long sampela stil pasin i kamap.

Em i opim dispela brens long Piam main stesin, taun we ol wok manmeri bilong Porgera main i wok.

Kamap bilong brens i mekim bikpela moa BSP benk we em i gat 36 arapela brens long kantri na long ol arapela kantri.

BSP Sif Eksekutiv Opisa, Ian Clyne, i go long Piam long opim dispela bren, na kamap bilong brens wanpela taim moa gen i tokaut olsem BSP tru tru i wanpela hap bilong komyuniti.

Benk i laik mekim isi na givim gutpela sevi long ol kastoma long Papua New Guinea.

Frans Kootte, BSP Jeneral Menesa na BSP Het Brens Netwok Kili Tambua i go wantaim em long opim dispela brens.

“Nogat arapela brens i go aut long PNG olsem BSP long wanem mipela i tokaut long stap longpela

taim long PNG na Pasifik rijen.

“Opim bilong nupela brens i soim tingting na laik BSP i mekim long PNG na olsem mipela i no inap long malolo tasol bai skruim yet dispela tingting na laik bilong mipela,” Mista Clyne i tok.

Em i kisim dispela taim tu long toksave long ol manmeri olsem BSP i oganaisesen we i givim sevis long ol manmeri na long dispela brens i op long ol manmeri i kisim sevis.

Long bekim em i wok bilong ol manmeri long lukautim brens, atometik teling masin (ATM) na ol opisa.

Brens long taim em i pas long Oktoba 2001 i stap aninit long nem bilong PNGBC bikos long bikhet na raskol pasin.

Tasol bihain long BSP i baim PNGBC long 2002 dispela brens nau i stap aninit nem bilong BSP na nau i go aninit long dispela nem.

Stat long dispela taim i kam inap nau ol wok manmeri na ol manmeri long ples i kisim bikpela taim nogut.

Bikos long longpela taim ol manmeri i wet long kisim kain sevis ol i amamas long kamap bilong benk.

Dispela i min ol i no ken go long



SEVIS KAM: BSP CEO Ian B Clyne i katim ribbon long taim Porgera Development Atoriti Siaman Nixon Mangape i lukluk.

Wabag o long Mt Hagen.

Tim Omundsen, Barrick Menesa Komyuniti na Envaironment, Porgera Developmen Atoriti Siaman Nixon Mangape, Porgera LLG

Presiden na Enga Deputi Gavana John Pawe i stap long lukim dispela opim. Ol i amamas tu long kamap bilong brens.

Brens Menesa, John Basanu, i

tok ol wokman meri bilong Benk bai mekim olgeta samting long givim sevis long ol manmeri long komyuniti. Na i gat SMS benking sevis tu,

## Dijisel givim luksave long gutpela ejen

WANTAIM tingting long givim gutpela sevis long ol kastoma bilong em, Dijisel PNG, long Fraide 18 Mas, 2011 i givim awod long 30 gutpela ejen bilong em.

Dispela luksave i bihainim las tripela mun ol ejen i mekim wok long salim ol samting bilong em.

Dijisel Kastoma Kea Awod i save kamap bihain long olgeta tripela mun na luksave i save go long ol 200 plas Kastoma Kea Tim husat i ofarim 24 haua fri sevis na ol ejen husat i salim planti samting bilong kampani.

Wanpela luksave i go long Eddy Yaman

bilong Is Sepik Provins long kisim ‘Top Inbaun Ejen’ long dispela yia long em i salim planti samting bilong kampani.

Em i kisim namba awot long go aut na kisim malolo long sampela hap wantaim K500 mani long yusim.

Bihainim em ‘Top Autbaun Ejen’ Vikto Taunakekei husat i kisim tropi na bai yusim soping vautsa long RH Hyper Mart.

Kampani i givim awot tu long ol ejen husat i mekim gut long wanwan ol seksen bilong Kastoma Kea Di-patmen.

Dispela ol lain em Ethel Yalwan olsem

namba wan Tim Lida, Vautsa Tim long i go pas long Tim, Vali Uve husat i kisim luksave na awaot long go pas olsem Bisnis Ejen, Anthony Kila long em gat Top CC Tek Awod, Immanuel; Vele husat i winim awot long Wok Fos Menesmen na Elin Tulaso na Evangelin Gombo husat i kisim hona long GPRS na Kwaliti Asurens Tim.

Long taim bilong presentesen, Dijisel Kastoma Kea Menesa, Vetau Roga i amamas long wok bilong ol ejen long las tripela mun.

Em i tok: “Dijisel i traime long givim wol-klas kastoma kea sevis na kamapim standet

long PNG.

“Dispela i Developmen progrem bilong kampani kampani i givim sans long ol wok manmeri long ol soim strong na save bilong ol.

“Mipela i laik lukim olsem ol kastoma bilong Dijisel na wok manmeri bilong mipela i save olsem mipela i gat bikpela luksave long ol.

Na ol lain ejen husat i mekim gutpela wok em kampani i givim awod long ol.

Inap long nau 80 wok manmeri husat i stap long Kastoma Kea seksen em kampani i promotim ol bikos long gutpela wok bilong ol.

## Dijisel givim kompyuta long Hela polis



TENK YU: Dijisel Hailans Rijinel Menesa, Marena Sansan (rait han) i givim ol kompyuta long Tari Polis Sif Inspekta, Michael Welly long taim Dijisel Sekyuriti Edvaisa Terry Keams (lep han) i lukluk i stap. Foto: Digicel

LOKOL polis long nupela Hela Provins, we bipo i stap aninit long Sauten Hailans Provins, i kisim bikpela sapot long dispela mun long taim Dijisel i givim tupela desktop kompyuta long ol.

Long taim bilong givim ol masin Dijisel Hailans Rijinel Menesa, Marena Sansan, i tok kampani i laik wok bung wantaim polis long rijen long lukim olsem wok bilong salim tok i go kam long nupela Provins i kamap gut na isi.

Ol kompyuta, we i namba wan taim long wanpela kampani i givim masin long wanpela lokol polis fos em kampani i givim long Tari Polis Sif Inspekta, Michael Welly, long Mt

Hagen Dijisel opis.

Maski Inspekta Welly i stap long Tari, em i go pas long sampela ol opia i was long ol wok bilong PNG LNG projek.

Long taim bilong givim kompyuta Mis Sansan i tok tenk yu long polis long wok ol i mekim long lukim komyuniti na ol opis bilong gavman na wok bilong PNG LN G projek.

Em i tok: “Dijisel i wanpela telepon kampani tasol i givim sevis long komyuniti long Hela na olsem mipela i amamas long polis long gutpela sapot long ol i mekim long wok wantaim mipela bai ol manmeri ken kisim gutpela sevis.

Sif Inspekta Welly i amamas tru long gutpela helpim em Dijisel i

givim long polis fos.

“Mipela bai wok bung wantaim Dijisel long ol wok bilong mipela long Tari na long ol ples klostu long Tari.

“Mipela i amamas long dispela wok bung na mipela i bai lukim olsem ol samting bilong Dijisel i stap gut.

“Dispela ol kompyuta bai helpim mipela long longpela taim long wok bilong mipela na long lukautim ol toktok bilong wok bilong mipela.

“Stat long taim polis stesin long Tari i op gen long 2004, mipela i nogat ol kompyuta long wok wantaim na em i gutpela na bikpela samting long Dijisel i tingting na kam long helpim mipela.

“Mipela i tok tenk yu long Dijisel.



LUKSAVE: Sampela ol Dijisel Kastoma Kea Ejen wantaim awod bilong ol.

# Ol fama bringim fres kaikai long Ramu NiCo rifaineri long Basamuk

James Kila i raitim

**KANAI** Imai bilong ples Gogou em wampela papa bilong PO (purchase Order) o pepa we i givim em tok-orait long bringim fres gaden kaikai na frut i go long mes o ples bilong kukim na redim bilong Ramu NiCo rifaineri eria long Basamuk.

Wantok Niuspepa i bin bungim Kanai wantaim ol pikinini bilong em long Mendre nambis long las wik Sarere taim ol i ron long wampela moto bot i go long bringim ol fres gaden kaikai, kumu na frut long Basamuk.

Kanai i givim gutpela stori bilong em long mi olsem em i amamas long Ramu NiCo projek long kamapim wok we i larim ol lokal papagraun long bringim ol gaden kaikai i go long mes o ples kaikai bilong ol kampani wokman meri long Basamuk.

Em i tok kain sevises olsem i no kamap bipo, tasol bihain long Ramu Nico (MCC) i kirapim wok projek long Basamuk em i givim gutpela sans long ol lokal famas long bringim gaden kaikai i go salim na kisim mani long helpim sindaun bilong ol long ples.

Em i tok olsem nogat rot i go long ples bilong ol long Lamtub. Ol i save yusim moto bot long karim ol fres gaden kaikai i go long nambis long Mendre na bihain kisim kar na



**SALIM KAIKIA:** Kanai Imai (namba tu long rait-han) i holim sinek bin beg wantaim ol pikinini i bringim popo, mau banana na ol fres kaikai i go long Ramu NiCo rifaineri long Basamuk. Poto long baksait i soim bikpela bris we sip bai go kisim nikel na kobalt. *Poto: James Kila*

karim i go long mes.

Kanai i tok olsem long pastaim taim ol lain bilong China i lukautim wok bilong baim kaikai bilong mes, reit o mak bilong mani ol i save givim ol lokal famas i bin gutpela .

"Mipela i no amamas tumas long

NCS long nau yet bikos reit bilong ol i no gutpela tumas," Kanai i tok.

Em i tok moabeta NCS i mas apim reit bilong en long wan wan kilogram long ol fres gaden kaikai i go antap liklik bikos ol famas i save westim bikpela mani long haia long



**LAIKIM:** MCC Komyuniti Afes wokman long loa na oda seksen, Dubam Awam, i sanap mangalim ol fres frut em Kanai Imai bringim long bot i kam.

bot long bringim ol kaikai i go long Basamuk.

Em i tok ol i save ron olsem 8-pela kilomita long ples bilong ol long Lamtub i go long Basamuk long salim ol kaikai bilong ol long NCS-Raibus, wampela ketering kampani we i save redim ol kaikai

bilong ol wokman meri bilong Ramu Nico long Basamuk.

Narapela bikpela salens tu em olsem ol lokal papagraun i mas groim moa fres kumu na frut long gaden olsem popo, painapel na mau banana long karim i go long mes long Basamuk.



**LUKAUTIM KAKAU:** Yangpela man Lusip Deni, i wok hat long klinim gras arere long kakau blok bilong em long ples Uya long Bugati eria long Astrolabe Be long Madang provins. Ramu NiCo i helpim famili bilong em wantaim IPM trening. *Poto: James Kila*

## Ramu NiCo strongim rural kakau fama wantaim IPM trening

James Kila i raitim

**WANPELA** yangpela man Lusip Danny, bilong ples Uya long Bugati eria long Astrolabe lokal level gavman kaunsil i go het yet long klinim kakau blok bilong em long kisim gutpela mani bihain taim kakau bilong em i karim.

Lusip i amamas long Intagreted Pest Menesmen trening em wantaim papa bilong em i kisim wantaim gutpela helpim bilong Ramu NiCo (MCC), husat em divelopa bilong bikpela nikel na kobalt projek insait long PNG.

Ramu NiCo i join wantaim ol saveman bilong Kakao Kokonat Institiut (CCI) long karimaut dispela IPM trening, we i lukluk moa i go insait long menesmen bilong ol kakao gaden o blok long kamapim gutpela gaden we i ken

kamapim moa frut long diwai na tu kakau i no ken kisim bagarap long ol binatang nogut.

Insait long wok progrem long helpim ol lain papagraun i stap long kostal paipain eria, Ramu NiCo i karimaut gutpela agrikalsa extensin progrem long helpim ol rural kakao famas long divelopim gen ol kakau blok bilong ol we pastaim i bin bagarap.

Papa bilong Lusip, Danny Gagu i gohet pinis long stretim gut kakao gaden bilong em taim Wantok Niuspepa i go bungim em long ples.

Gagu em wampela long ol ruel kakao fama husat i bin stat insait long wampela aweanes progrem long nupela kakao menesmen save ol i kolim Intagreted Pest Menesmen (IPM) we i bin kamap long las yia.

Wantaim dispela save

em i kisim long trening we CCI na Ramu NiCo i givim em Gagu i go bek long ples long Uya na i gohet long stretim kakao gaden bilong em.

Pikinini man bilong Gagu, Lusip tu i bin stap insait long dispela IPM trening na em i gohet nau long stretim kakao gaden bilong papa bilong em long ples.

Gagu i tokim Wantok Niuspepa olsem ol i bin lainim olsem IPM i save yusim kain kain ol rot long mekim kakao gaden i kamap gut na kakao diwai i ken karim gutpela kaikai.

Ramu NiCo agrikalsa supavaisa, Aldam Bade i tok olsem insait long IPM ol fama i ken yusim ol kain kain menesmen wok long lukim kakao blok bilong ol.


Mista Bade i tok insait long IPM sampela ol samting ol famas i mas mekim em long kon-

trolim ol gras long gro arere long kakau diwai, sid o arapela ol diwai i gro klostu long kakau na pasim lait bilong san, pruning o rausim ol han bilong kakau we i bagarap o i no karim kaikai na tu rot bilong putim marasin o fetilaisa na wanem ol fetilaisa long yuim,

IPM aweanes em hap wok bilong Ramu NiCo agrikalsa progrem long trenim ol kakau fama insait long Ramu projek impekt eria long kisim mani long helpim sindaun bilong ol long ol agrikalsa krop olsem kakau.

Wankain progrem tu i bin kamap long ol Inlen Paipain eria wantaim teknikal sapot i kam long DPI na CCI.

Dispela join progrem i bin stat long 2008 na bai i go het long ol arapela eria we projek eria i karamapim.



**APIM:** PNG weit lifta, Morea Baru i soim ol man-meri long ol stail bilong gem bilong em taim em i kamap long wanpela bung las wik Tunde long Mosbi. POTO: Andrew Molen.



**WASWAS:** Wanpela pilaia i traim save bilong em antap long solwara bilong Tupira long Mande dispela wik taim ol i statim nesenel sempionsip long hap. POTO: Media Partners.



**TAS:** Wanpela Cummins pilaia i apim han long tasim Bishop Brothers pilaia long tas gem bilong ol meri insait long Mosbi Kopret Tas.resis las wik Sande. POTO: Andrew Molen.



**PAIT:** Mack Hiari bilong NCD i putim wanpela gutpela han long birua bilong em long boksing pilai bilong ol las wik Sande long Sports Inn Hotel long Mosbi. Dispela i bin laspela seleksen bilong tim NCD i go long Arafura gems. POTO: Andrew Molen



**Lautoka FC (Fiji) vs Hekari United FC (PNG)** at PRL oval in Port Moresby for the 3rd and 4th place in the O' League. PHOTO: A. Molen/ Wantok.




**LUKAUT:** Theresa Tona i kisim wanpela kik i kam long Anthony Aitsi taim ol i kamap long wanpela bung las wik Tunde long Mosbi long soim ol stail bilong gem bilong ol long ol manmeri. POTO: Andrew Molen.



**LAINIM LIKLIK YET:** Geoffrey Loi em i gat 11 krismas tasol em i wanpela sempion tebol tenis pilaia bilong PNG. Las wik em i kamap long wanpela bung long Mosbi long soim ol stail bilong em long pilai. POTO: Andrew Molen.

**TOKSAVE:** Salim ol spots dro bilong yu kam long Feks; 325 2579, e-mel; amolen@wantok.com.pg o kam lusim long Wantok Niuspepa opis long Central Waigani, NCD.

**PILAI GRAUN:** Gem i save kamap antap long liklik tebol wantaim net.



**SAMTING BILONG PILAI:** Ol reket na bal bilong pilai tebol tenis.

*Save Long Gem wantaim Andrew Molen*

# Pilal wantaim tebol



ATING planti manmeri long Papua Niugini save ting olsem tebol tenis em pilai bilong ol liklik mangi.

I nogat planti save olsem dispela spot em i stap insait long Olimpik Gems tu.

Em i save kamap strong long planti ol arapela kantri long Yurop na Esia tasol long PNG, i gat wanpela asosiesen bilong dispela spot i stap nau.



**SALENS:** Tupela man i pilai long wanpela intanesenel gem.

## Histri bilong gem

Narapela nem bilong Tebol Tenis (Table Tennis) em Ping Pong.

Dispela gem i stat long Briten long 1884 we ol ris manmeri save bung na pilai bihain long ol i kaikai long avinun.

Long dispela taim ol i save kolim em olsem "Wiff -Waff".

Ol i save sanapim ol buk long namel bilong tebol olsem net na paitim bal i go i kam long en.

Wanwan pilaia i save holim wanwan buk gen olsem bet long paitim golp bal i go i kam long tebol.

Bihain ol i mekim dispela ol bet wantaim hap bokis na maus bilong sempen (champagne) botol em ol i save yusim olsem bal.

Dispela i kamap bikpela na i no long taim sampela ol kampani kamapim ol gutpela samting bilong pilai.

Spots kampani bilong Inglen, John Jaques & Son, i wokim ol namba wan samting bilong pilai long 1898.

Long hap, em i go bikpela na i suruk i go long Amerika we Jacques i salim wok bilong em long mekim dispela ol samting i go long Parker Brothers aninit long nem olsem Ping Pong.

James Gibb, wanpela man husat i save laikim dispela gem i painim bal bilong pilai taim em i go long

Amerika long 1901.

Tebol Tenis Asosiesen i stat long Inglen long 1921 na Intanesenel Tebel Tenis Federesen i kamap long 1926.

Long 1988, em i go insait long Olimpik Gems.

## Stail na loa bilong pilai

Tebol tenis i save kamap antap long wanpela tebol.

I save gat wanpela liklik net i stap namel long dispela tebol.

Tupela pilaia i save salens insait long wanpela gem.

Sampela taim, 4-pela pilaia i save salens, tupela long hapsait na narapela tupela long hapsait.

Long pilai, yu mas paitim bal i go hapsait long net antap long tebol bilong narapela pilai na em bai traime long paitim i kam bek long yu.

Yu bai kisim skoa sapos narapela pilaia i no sevis o paitim bal i kam bek gut, sapos bal i pas long net o sapos em i no paitim na bal i abrusim em na i go pundaun autsait long tebol na planti arapela.

Long pilai tebol tenis, yu mas i gat wanpela reket (racket), dispela em i liklik bet



**FAMILI TIM:** Robert (Iephan) na Rea Loi wantaim ol pikinini bilong ol husat i save pilai tebol tenis tu. POTO: Andrew Molen.

olsem sais bilong han we yu ken holim na paitim bal long en.

Bal bilong gem i liklik na i no hevi na ol save lain bilong pilai no save isi long paitim olsem na yu tu i mas was gut taim yu pilai.

## Tebol Tenis long PNG

Tebol tenis i bin stap strong long PNG long 1980's na PNG Tennis Association i kamap long 1992 tasol em i bin dai na pinis namel long 1995 na 2006.

Laspela taim, PNG bin salim wanpela tim i go long wanpela intanesenel tonamen em long 1995 Saut Pasifik Gems long Tahiti.

Bihain long dispela, asosiesen i bruk na i nogat wanpela samting i kamap inap long 2006.

Nau Tubusereia Table Tennis Association (TTTA) em i wanpela asosiesen tasol long PNG na ol pilaia bilong ol i save makim kantri.

## Gutpela gem

Tebol tenis i wanpela gutpela gem bilong planti ol yangpela long bung na amamas long pilai.

Ol gem i save kamap insait long haus na em i gutpela tu long skulim ol pilaia long opim ai na stap redi olgeta taim bilong wanem narapela pilaia bai skoa sapos yu i no redi.

I gat plant i laik long ol ples insait long NCD na arapela provins tasol i mas i gat haus we ol gem i ken kamap.

Dispela em i wanpela as tu PNGTTA i bin bruk, bilong wanem ol i no bin inap long painim wanpela ples bilong pilaim ol gem bilong ol.

TTTA nau i go pas long dispela wantaim helpim bilong bipo PNG pilaia, Rea Loi na Brata bilong em Robert husat ol i yusim mani bilong ol yet long mekim wanpela haus bilong pilai.

Gavman i ken luksave long hatwok sampela man i olsem Loi givim long spot bilong ol na helpim ol.

# 2011 Telstra Premiership Dro

## RAUN 3 DRO

### MAS 25-28, 2011

#### Fraide, Mas 25

**Eels V<sup>s</sup> Rabbitohs**

7:30pm - ANZ Stadium

**Titans V<sup>s</sup> Broncos**

8:30pm - Skilled Park

#### Sarare, Mas 26

**Panthers V<sup>s</sup> Sharks**

5:30pm - Penrith Stadium

**Cowboys V<sup>s</sup> Storm**

6:30pm - TBC

#### Sande, Mas 27

**Warriors V<sup>s</sup> Dragons**

2:00pm - Mt Smart

**Bulldogs Vs Roosters**

2pm - ANZ Stadium

**Eagles Vs Knights**

3pm - Brookvale Oval

#### Mande, Mas 28

**Tigers Vs Raiders**

7pm - Campbell Town

# Hevi bilong Dragons

CRONULLA Sharks i kamap namba wan tim long NRL dispela yia long winim ol 2010 primia, St George Illawarra Dragons.

Dispela win i kamap long Mande dispela wik we Sharks i win 16-10, insait long raun tu bilong resis dispela yia.

Dragons faiv eit, Jamie Soward i tok em bai no inap long ol long difenim dispela taitol bilong ol tasol bai wokhat long en yet.

"Mipela save em bai no inap isi long difenim dispela taitol tasol mipela i mas wokhat long en tu," Soward i tok.

Long wankain taim, klap bai no inap pilai wantaim sampela ol bikpela pilaia bilong ol long namba wan hap bilong dispela yia.

Wanpela em bipo Blues fowet, Michael Wayman na tu Dean Young.

Weyman i gat bagarap long sangana bilong em bihain long em i pundaun krangki long Mande nait bihain long 17 minit bilong gem tasol.

Em i bin kisim operesen long pinis bilong las yia tasol nau em i wetim ripot yet long save wanem kain bagarap tru em i kisim gen na wanem taim bai em i ken pilai gen.

Tasol ol Dragons i bilip Weyman bai no inap kam bek pilai hariap.

"Mick em gutpela pilaia na tu lida bilong ol fowet bilong mipela tasol sapos em i no inap long pilai, mipela i noken tingting tumas long em," Soward i tok.

Em i bilip olsem ol i gat inap pilaia long painim wanpela strongpela man long kisim ples bilong Weyman taim em i stap malolo.

Soward i tok tu olsem ol i as painim wanpela man long kisim ples bilong Young husat tu i wanpela lida bilong ol.

Long Sande dispela wik bai ol Dragons i bungim Warriors long Mt Smart stadium tasol i luk olsem wanpela moa pilaia bilong ol bai no



**BAGARAP:** Dragons bai painim ol man long kisim ples bilong Weyman na ol arapela husat bai no inap pilai yet.

inap werim jesi.

Seken ro fowet, Beau Scott i kisim mekim save long NRL long wanpela takol nogut we em i mekim.

"Warriors i no winim wanpela gem yet olsem na ol tu bai paia strong tru olsem Cronulla i mekim las wik olsem na mipela i mas redi gut," Soward i tok.

Ol tim bilong dispela gem em; Warriors: Lance Hohaia, Kevin Locke, Joel Moon, Jerome Ropati, Krisnan Inu, James Maloney, Brett Seymour, Sam Rapira, Aaron Here-

maia, Russell Packer, Simon Man-nering (c), Feleti Mateo, Micheal Luck. Intasenis: Shaun Berrigan, Jacob Lillyman, Ben Matulino, Lewis Brown, Elijah Taylor. Dragons: Darius Boyd, Brett Morris, Mark Gasnier, Matt Cooper, Jason Nightingale, Jamie Soward, Ben Hornby, Dan Hunt, Nathan Fien, David Gower, Beau Scott, Ben Creagh, Matt Prior. Intasenis: Michael Greenfield, Jon Green, Trent Merrin, Kyle Stanley, Mitch Rein.

# Sempion bilong Tubusereia

## ■ likam long pes 28

Em i tok i gat bilong pilai dispela gem i stap tasol i no bin i gat man i stap long ronim gut, long dispela as na gem i bin dai sampela yia.

Wanpela hevi bilong asosiesen em long painim ples we ol gem bilong ol i ken kamap.

"Yes, dispela em wanpela bikpela hevi na mipela i wok long traim hat yet long painim ples bilong pilai.

"Nau yet wanpela ples tasol insait long kantri we i save gat kompetisen em Tubusereia," Tolingling i tok.

Rea Loi na famili bilong em i go pas long lukautim na ronim tebol tenis nau long hap we i lukim tu em i yusim mani bilong em yet long sanapim wanpela haus we ol i ken pilai insait.

"Mi mekim dispela haus long mani bilong mi yet bai mipela i ken bung na pilai insait long en," (Rea) Loi tok.

Em i statim wok long 2009 na i putim ol pos, simen na haus kappa pinis.

Loi yusim K25, 000 long mani bilong em yet long sanapim dispela haus tasol em i amamas olsem i gat ples nau bilong ronim ol

kompetisen bilong ol.

I gat ol tebol na arapela samting bilong pilai stap we ol tim insait long ples i save kam bung na pilai olgeta wiken.

Siaman bilong Tubusereia Table Tennis Association (TTTA), Robert Loi, i tok planti manmeri long ples i save laikim dispela gem.

"Krismas bilong ol yangpela i save stap namel long 11 na 21 na ol sinia em namel long 35 na 50," em i tok.

Tolingling i tok ol i kisim tok orait pinis long salim tim i go long Pasifik Gems long

Nu Kaledonia dispela yia na Rea

"Mipela i lukluk long salim 4-pela man na tupela meri go long dispela gem," em i tok.

Nau yet, TTTA em i wanpela asosiesen tasol i stap insait long kantri tasol PNGTTA i gat tingting long surukim i go long ol arapela provins tu.

Geoffrey na David i stap long gutpela mak long makim kantri bilong ol long Noumea tasol long wankain taim, papa bilong ol tu i wokhat long lukim ol i kisim moa salens na trening long redi gut long en.

## NRL Poinis leda

Pos	Klap	P	Pts	W	D	L
1	Knights	2	4	2	0	0
2	Storm	2	4	2	0	0
3	Bulldogs	2	4	2	0	0
4	Broncos	2	2	1	0	1
5	Raiders	2	2	1	0	1
6	Dragons	2	2	1	0	1
7	Roosters	2	2	1	0	1
8	S/Eagles	2	2	1	0	1
9	W/Tigers	2	2	1	0	1
10	Eels	2	2	1	0	1
11	Cowboys	2	2	1	0	1
12	Panthers	2	2	1	0	1
13	Sharks	2	2	1	0	1
14	Warriors	2	0	0	0	2
15	Rabbitohs	2	0	0	0	2
16	Titans	2	0	0	0	2

# Olimpiks bai strongim manmeri

Andrew Molen i raitim

LAS wik Tunde, Mas 15, i bin makim 500 de i stap bipo long London 2012 Olimpik Gems.

Na long makim dispela de, Hai Komisina bilong Gret Briten i kam long PNG, Jackie Barson i kamapim wanpela bung long wantaim ol spotsmanmeri na ofisol long haus bilong em long Mosbi.

Hai Komisina Barson i tok, em i tingim ol manmeri bilong Siapan tu taim em i wok long redim ples bilong mekim dispela bung.

Dispela em bilong wanem olgeta kantri long wol nau i save wokbung wantaim long gutpela

taim na long taim nogut.

Ol prea na tingting bilong yumi stap wantaim gavman na ol manmeri bilong Siapan long dispela taim nogut bilong ol.

"Mi tingim tu pasin na strong bilong yumi ol manmeri na mi lukim olsem spirit bilong yumi ol man em i wanpela strongpela samting.

"Em i save mekim yumi sanap strong na abrusim ol bikpela hevi long laip na traim long kamap antap gen na kamap nambawan gen," Barson i tok.

Em i tok dispela strongpela pasin na tingting em i as tru bilong Olimpik gems.

"Dispela em i taim we yumi save wokhat long traim na abrusim ol-

geta hevi na hatwok long kamap nambawan long wanem samting yumi mekim," Barson i tok.

Hai Komisina Barson i bungim tu sampela ol PNG Olimpik pilaia olsem Theresa Kurukuru, Jack Willie na Alphonse Larry husat ol i kamap long dispela taim.

PNG Taekwando tim, Boksing, tebol tenis na weiltifting tim i bin kamap na i mekim sampela pilai long soim ol manmeri.

"Long Julai 27, 2012, bai olgeta manmeri lukim opim bilong Olimpik na Paralimpik Gems.

"Na long makim bikpela toktok olgeta manmeri save, mi laik tok, 'Let the Game begin'," Barson i tok.



APIM: Barson i sanap baksait long PNG meri weiltiflta, Rita Kari, las wik taim ol i bung long makim 500 de bipo long gem i stat. POTO: Andrew Molen.

## CCIC trupela ragbi lig long kantri

Bustin Anzu i raitim

COCA Cola Ipatas Kap (CCIC) em i wanpela nambawan ov sisen ragbi lig pilai long Papua Niugini, we i givim luksave long planti ol gutpela yangpela pilaia insait long ol ruel eria.

Sapos dispela pilai no kamap, planti ol gutpela pilaia bai no inap kam aut ples klia.

Dispela em lukluk na tingting bilong olpela Kundiawa Warriors kepten na strongpela fowet, John Wamil Gul.

Wamil i tok dispela pilai luksave long planti ol gutpela mangi na putim kam aut ples klia na nau planti pilai insait long kantri na long ol arapela kantri tu.

"Sampela taim i go pinis, ol i tok Coca Cola Ipatas Kap em namba tu ragbi lig pilai insait long kantri.

"Tasol nau, Ipatas Kap em kamap namba wan.

"Mi wok long lukim planti ol gutpela mangi bilong pilai wok long kam aut ples klia," em i tok long Lae las wik.

Wamil, nau i kosa bilong Sineyongo Brothers, husat i go pilai long Lae long narapela raun bilong fainols bilong Ipatas Kap



HARIM: Gul i toktok long ol pilaia bilong em Sine-yongo Brothers long hap taim long Lae long las wik. POTO: Bustin Anzu.

na i lus long Kamkumung Crushers bilong Lae.

Wamil i amamas long gutpela tingting bilong Gavena bilong Enga, Peter Ipatas na Sif Eksekutiv Opisa bilong CCIC, Timothy Lepa, long tingting em i gat long kamapim dispela pilai, we i stap 13 yia olgeta nau.

Wamil em yet i bin pilai long Warriors na insait long Hailans Zone, agensim France na Australia Kangaroos, tasol nau i save helpim ol yangpela long

Kundiawa wantaim ragbi lig.

Ol i luksave long ol yangpela mangi husat i save long pilai ragbi lig tasol stap long ol ruel eria na i nogat sans long pilai long taun.

Long Ipatas Kap tasol, ol i kam autsait.

Long wankain taim, Lepa i tokaut long wanem as na sampela tim i malolo long namba wan de bilong ol fainols.

Em i tok ol dispela tim i bin kamapim bikpela poin long namba wan pilai pastaim, i kisim bikpela pesentes long kamap olsem na ol i bin stap bai na bihain joinim ol narapela tim long namba tu de bilong pilai.

Tasol planti tim bilong Hailans i no amamas long dispela long wanem, maski ol i kisim mak antap o daunbilo, ol i laik pilai yet.

Dispela malolo long namba wan de na bihain joinim long namba tu dei, i givim ol dispela tim bikpela malolo stret.

Ol i tok tu olsem ol tim bilong Hailans olsem Goroka na Simbu mas pilaim eliminesen fainol long hap eria bilong ol yet na i noken kam olgeta long Lae na yusim planti mani bilong ol yet.

## Tripela Warriors stap long Mioks skwad

Bustin Anzu i raitim

TRIPLELA pilaia bilong Bobo Warriors bilong Hoskins i kisim spes insait long 2011 Toyota Mioks tim.

Dispela ol mangi Wes i kisim luksave insait Coca Cola Ipatas Kap (CCIC) dispela yia.

Kosa na bipo Kumul faiv eit, Dairus Haili, i sotwin long Lae taim ol skaut opisol bilong Mioks i laikim nem bilong tripela ol pilaia.

"Mi amamas long dispela luksave bilong Mioks long kisim tripela pilaia bilong mi.

"Mi nogat toktok long mekim tasol mi long tenkyu long CCIC long putim han long tripela boi bilong mi," Haili i tokim Wantok niuspepa long Lae bihain long pilai bilong ol wantaim Goroka Dragons las wik Sarere.

Ol dispela pilaia em, fulbek, Rodney Sawi, winga, Ruben Mou na risev bek, Darius Wartoto.

Narapela namba 4 pilaia ol i bin putim ai long en, em James Pologau husat i stap long tim bilong Snax Tigers bilong Lae.

Haili, husat i bin kisim ples bilong Iffysoe Segiyaro olsem

Kumul faiv eit na i pilai namel long 1981 na 1988, i tok em i no ting olsem ol mangi bilong em bai kisim dispela kain spes long dispela bikpela pilai insait long kantri.

Warriors em wanpela tim bilong Niugini Ailan husat i resis long CCIC dispela yia.

Narapela tim em Kimbe United, tasol ol i bin lus long namba wan pilai tasol.

Tim Menesa, Loius Rame, i tok planti ol pilaia bilong ol em bilong ples na i no save pilai long taun o i gat sampela ekspirians long pilai bilong taun.

"Olgeta mangi bilong ples.

"Nogat wanpela i save pilai long ol taun pilai o pilai long sampela hap na kam pilai wantaim mipela," em i tok.

"Mipela kisim ol mangi long ples na kam soim sampela stail bilong mipela," Rame i tok.

Em i tok ol menesmen bilong Mioks i bin luksave long ol mangi bilong em na dispela em bai wanpela bikpela nius bilong ol taim ol i go bek long ples Kasia, long Hoskins long pinis bilong dispela wik.

Tete Tasol

# DABOL

wantaim bemobile!

Kolim Customer Care lon 1555 or Emailim support@bemobile.com.pg

Topup long K5, K10, K50 na K100 long DABOLIM kredit bilong yu!



Valid long olgeta topkads

Valid long Dairek na ATM topup long fix K5 vali (long K5 - K100 tasol) eg: 5,10,15...

bemobile mipela bilong yu

Tems na Kondisens istap

Ofa bai pinis long 12 pm bignait 24/03/11





## Ol Arafura tim i no redi gut

STAT long 1993 taim PNG i go long Arafura Gems namba wan taim tru, strong bilong yumi long dispela gem i wok long go bikipela moa.

Planti ol nesenel federesen na ol provinsel tim i soim bikipela laik long go long dispela gem.

Taim PNG gems i kamap long 2003, dispela i kamapim rot i kamap long kisim ol i go long Arafura long statim wokabaut bilong ol olsem ol spotsmanmeri bilong PNG.

Dispela i givim sans long planti ol pilaia husat i save staph ait, long kisim gutpela luksave.

Ol provinsel tim i save yusim dispela program gut we i lukim ol i salim planti tim i go pinis long Arafura.

Dispela gem nau i kamap olsem wanpela bikipela pilai insait long kalenda bilong PNG Sports Foundation we ol i save lukluk long en olgeta yia.

Olgeta provins i soim bikipela laik long go long dispela gem.

Tasol wanpela samting mi lukim em olsem, ol provinsel tim i no save redi gut long go long dispela ol pilai.

Yumi mas redim olgeta samting gut sapos yu laik go long dispela kain ol bikipela pilai.

Sapos yu redi gut bai olgeta tim na pilaia i amamas long raun bilong ol na tu bai ol i soim gutpela mak long pilai bilong ol.

I gat planti gutpela as long salim ol tim na pilaia i go long Arafura gems.

Sampela dispela em; ol bai kisim intanesenel ekspirienem, mak bilong pilai bilong ol bai go antap, ol bai redi long pilai long ol arapela intanesenel gem, ol bai lainim long pilai strong insait long ol bikipela gem na tu ol bai soim ol nupela save bilong pilai ol i lainim.

Ol teknikol ofisol tu i ken kisim planti gutpela samting long dispela tonamen sapos ol i go tu.

Ol bai lainim ol sampela nupela stail bilong kosim na menesim ol tim, refri na tu lukautim ol lain i kisim bagarap insait long gem.

Yu ken lukim olsem i gat planti gutpela samting long kisim o lainim long dispela ol tonamen.

Tasol planti ol provinsel tim i save amamas nab el kirap long go na ol i save lustingting long redi gut long dispela ol tonamen.

Wok redi em i karamapim trening bilong ol etlit na tu painim mani na arapela risos o samting we bai helpim tim long go long dispela gem.

Long dispela as na Arafura gems i save kamap bihain long tupelo yia bilong wanem dispela bai givim moa taim long ol tim long redi gut.

Wanpela asua bilong ol tim we mi save lukim long ol provinsel tim na ol nesenel federesen em, ol i no save i gat wanpela gutpela lida i go pas long ol.

Na tu ol i save wet inap taim i kam klostu pinis bipo ol i traim long redim ol yet.

Tingim, wanpela man o meri mas mekim dispela olsem wok bilong em long go pas long ol dispela wok redi bihain tasol long ol i kam bek long wanpela gem.

Wok redi mas stat ken bilong narapela gem i kamap bihain.

Dispela ol wok redi ken kamap bihain long ol i pinisim olgeta ripot na arapela pepa wok bilong gem we ol i kam bek long en nau tasol.

Makim ol det na taim bai ol manmeri ken lukim wanem tai mol i gat long raun na painim ol samting bilong helpim tim i go.

Wanpela man o meri husat i gat gutpela save long kain wok i mas go pas long en.

Mi lukim olsem planti tim i save gat hevi pinis bipo yet long ol i go long pilai.

Na taim ol i go, dispela hevi save kukim ol wantaim long hap taim ol i stap pilai na taim ol i laik kam bek.

Taim ol i kam bek, ol i save pilim olsem o i laik dai nat-ing long dispela ol hevi ol i pilim.

Yu yet i save long wane mol dispela hevi mi toktok long en sapos yu bin lukim dispela kain samting pinis.

Olgeta menesmen bilong wanwan tim i ma wokhat long lukaut gut long wokabaut na stap bilong ol tim na pilaia bilong ol taim ol i go long dispela gem.

# Hekari spirit stap yet

Bustin Anzu i raitim

HEKARI United FC em i king bilong soka yet long Papua Niugini.

Maski em i lus long Osenia Futbol Konfederesen o OFC (Oceania Football Confederation), ol i mekim bikipela samting long sait bilong soka insait long kantri.

I nogat wanpela tim bai nap mekim olsem Hekari.

Ol i yusim mani, save na eksperien long kamap wanpela strongpela tim insait long kantri.

Planti bin tok baksait long dispela klap, we moa long hap bilong tim em ol ovasis pilaia tasol Hekari klap menesmen i no wari long dispela.

Bikipela samting em ol i laik apim gem insait long PNG long kamap wanpela top klap long kantri na long Pasifik.

Na tu toksave long ol narapela Pasifik kantri olsem ol i noken pilai kaskas long Papua Niugini soka, "Mipela i kam nau."

Dispela wokabaut bilong ol long winim Nesinol Soka Lig (National Soccer League) o NSL long PNG, winim OFC sempion bilong Niu Silan na traim putim mak long Wol Klap sempion long Dubai, Midel Is (Middle East), i mekim histri bilong soka insait long PNG na Pasifik.

Planti klap insait long PNG i bin traim long winim dispela kain mak tasol ol i sot.

Ol i resis i go inap long Osenia Futbol Klap na kam bek.

Dispela i bin soim olsem level bilong soka i no strong tumas insait long kantri.

Tasol taim NSL i kamap, level bilong soka i go antap liklik inap long mak bilong en.

Planti wok i stap yet long helpim na developim soka long PNG.

Long stat bilong dispela bikipela resis long 2006, planti ting dispela tingting bai bruk namel na westim mani na ol samting.

Planti nogat bilip long en na ol lain husat i go pas long en.

Tasol dispela i bin stap long driman bilong ol manmeri na isi isi ol i lukim olsem NSL i wok long gro.

Wankain tu, Hekari kisim strong isi isi long ron long ol bikipela gem insait long kantri na autsait tu.

Hekari, tim bilong John Kapi-Natto bilong Kutubu long Sauten Hailens provins, i bin kisim bikipela na gutpela nem i kam bek long kantri.

Long 2009-2010 sisen, Hekari pilai gut tru na kamap sempion tim bilong OFC.

Hekari winim K3m prais mani na kisim tiket i go pilai long Dubai.

Long makim kantri namba wan taim na kamap long liklik grup olsem Osenia, i mekim ol i liklik tumas.

Maski ol i gat gutpela save long kik na gutpela menesmen, dispela ol tingting tu i mekim ol paol long pilai namba wan pilai long kain ples olsem.

Tasol ol i no wari, ol i karim plak bilong PNG long dispela 3 kilok moning long las Disemba, we planti no silip na i sindaun long lukim ol i pilai long TV.

Ol i lus tasol ol i no wari, ol i paitim bros na i tok, "Bai mi kam bek gen."

Papua Niugini ken amamas long dispela pilai bilong Hekari na rausim

**TOKTOK:** Kosa Jerry Allen i toktok long ol pilaia bilong long hap taim long O'lig gem las wik long Mosbi.

POTO: Andrew Molen.



**BOS MERI:** Vonnice Kapi-Natto i sindaun lukluk long pilai namel long Gigira Laitepo na Hekari long Lae long 2010. POTO: Bustin Anzu.

hat bilong ol long soim respek na tok tenkyu.

Ol pilaia tu i kamap olsem wanpela famili, wanpela tim na wanpela gem.

Ol i silip wantaim soka, kaikai soka, raun soka na pilai soka.

Dispela em sutim stret bel na lewa bilong tupela manmeri, John na Vonnice Kapi-Natto.

Long sisen 2010-2011, Hekari no mekim gut long ol pilai bilong ol long OFC, long difendim dispela taitol bilong ol.

Nogat wanpela long autsait i save long wanem as na ol i no pilai gut olsem bipo.

Kosa, Jerry Allen, i tok ol i bin painim hat liklik namel long yia bihain long ol i kam bek long Klap wol kap salens.

"Planti ol pilaia bilong mipela i bin bagarap olsem na mipela i bin painim hat liklik," em i tok.

"Mipela bai lukluk nau long NSL long traim na kam bek gen neks yia," Allen i tok.

Kepten, David Muta, i tok bihain long laspela gem bilong ol long Mosbi las wik Sarere olsem, Hekari Spirit i stap yet.

Planti bilong ol dispela gutpela ovasis pilaia i bin lusim Hekari na go aut long joinim ol narapela tim long O'Lig.

Kappi Natto i tok, isi isi bai planti go bek na ol bai holim sampela tasol i stap wantaim planti moa ol asples PNG pilaia.

Sampela bilong ol dispela pilaia, em Hekari rausim long wanem ol i gat bikhet pasin we klap i no inap holim ol, na sampela i no pilai long mak ol i laikim.

Fiji na Solomon Ailan pilaia i bin helpim Hekari gut tru.

Stail bilong ol i gutpela liklik long ol PNG pilaia tasol, ol pikinini man tu, ol i gat ol hevi bilong ol yet na Hekari lusim ol i go.

Lus bilong ol long Fiji, Vanuatu na

Solomon Ailan i soim olsem Hekari mas strongim bek tim we i bin mekim gut long 2009.

Allen na (Vonnice) Kapi-Natto inap long kirapim bek dispela tim.

Rekot bilong Hekari em i stret - nogat wanpela samting i makim ol i nogat.

Ol gutpela pilaia i lusim klap tasol i gat ol arapla i stap long tim yet.

Long las wik Sarere, ol i bin pilai laspela O'lig pul gem bilong ol agensim Lautoka FC bilong Fiji na i dro 1-1.

Ol mas pilai strong na winim sia bilong ol gen long NSL long go bek long O'lig neks yia.

Bikipela tingting long gem bilong Hekari em i stap long disiplin o pasin bilong harim tok.

Ol i gat bikipela bilip long dispela na i save pilai.

Pasin bilong kros na pait, sakim tok bilong refri na ofisol em i nogat long tim na ol i save prea bipo na bihain long gem.

Harim tok bilong kosa na arapela ofisol bilong gem na wokbung wantaim em ol astingting bilong disiplin we tim i save strongim tim.

Na dispela i tru, ol i gat bilip long disiplin na olgeta samting ol i mekim i mas i gat as bilong en.

Sapos nogat, dispela bilip bilong soka bai pundaun stret.

Disiplin em i wanpela samting we i ken lainim ol narapela long stail bilong pilai soka.

Ol i stap wantaim, raun wantaim na mekim samting wantaim long wanem hap ol i go.

Meri go pas long strongim dispela pasin em (Vonnice) Kapi-Natto yet.

I nogat wanpela pilaia bai sakim tok bilong ol o brukim dispela disiplin bilong ol.

Ol i tok, husat i bikhet, dua bilong klap i op i stap long ol i ken go autsait.

Dispela i no bilong pretim ol tasol em i givim tingting long ol long mas sanap strong na pilai gut wantaim.

(John) Kapi-Natto, i bin luk sore na wari tru taim ol i bin lus long Koloale FC narapela wik i go pinis.

Sapos ol i bin winim dispela, ating bai ol i gat gutpela spes long pilai insait long fainol.

Tasol Natto i lus tingting long dispela lus na i redi long winim bek NSL taitol we nogat wanpela tim i rausim long ol inap 5-pela nau.

Bihain long olgeta raun bilong dispela sisen, Hekari kisim maina primia taitol bilong 2010 na 2011 NSL sisen.

Dispela Sarere, ol fainol raun bilong NSL bai stat.



# WANTOK SPOTS



Isu 1909

Wan wik: Fonde, Mas 24 - 30, 2011.

## Andrew Molen i raitim

**GEOFFREY** Loi em i gat 11-pela krismas tasol em i gat nem pinis olsem wanpela sempion spotsman insait long ples bilong em.

Spot bilong Geoffrey em tebol tenis (Table tennis) na nau yet, dispela spot i stap tasol long Tubusereia long Sentrol provins.

Long hap, i gat moa long 50 junia pilaia olsem Loi na bikpela brata bilong em, David husat i gat 16 krismas, i stap.

I gat narapela 200 pilaia i stap long ol sinia divisen tu.

Tasol Geoffrey na David i no nupela long tebol tenis bilong wanem papa

bilong ol, Rea Loi bin wanpela intanesenel tebol tenis pilaia bilong Papua Niugini bipo.

Em i bin sempion bilong PNG na laspela taim em i makim PNG i bin long Pasifik Gems long Tahiti.

Dispela i bin laspela taim tu bilong PNG long stap insait long

Tebol tenis bilong wanem gem i bin pinis nating na i nogat man tu long ronim.

Nau gem i kirap gen na Geoffrey na David i stap namel long ol arapela yangpela pilaia we PNG Table Tennis Association (PNGTTA) i wok long redim bilong karim nem bilong kantri long 2015 taim Pasifik gems i kam long hia gen.

"Mipela i statim tebol tenis gen long Me, 2006 bilong wanem em i wanpela Olimpik spot na PNG i ken mekim gut long en tu," Vais Presiden bilong PNGTTA, Moses Tolingling i tok.

**Moa long Pes 26.**

**PUTIM AI: Geoffrey Loi em i nambawan pilaia long divisen bilong em.**



POTO: ANDREW MOLEN.

## Femili strongim tebol tenis

# Sempion bilong Tubusereia

Pilai wantaim tebol  
**Pes 24.**

Sharks daunim Dragons.  
**Pes 25.**

500 de bipo long Olimpiks  
i kamap pinis. **Pes 26.**

Hekari spirit i stap yet.  
**Pes 27.**



**the Ultimate workhorse!**



Wanem kain hevi wok, em **King blo Rot!**

**NISSAN**  
Patrol Y61 Ute

**BOROKO MOTORS**

- PORT MORESBY 📞 325 5255
- LAE 📞 472 1144
- MT HAGEN 📞 542 1933
- TABUBIL 📞 649 9048
- KIMBE 📞 983 5035
- MADANG 📞 422 2659
- RABAU 📞 982 8193
- GOROKA 📞 532 3552

Email: [info@borokomotors.com.pg](mailto:info@borokomotors.com.pg)  
Website: [www.boroko-motors.com](http://www.boroko-motors.com)



MP116427